

理

學

逢

源

理學逢源卷之十一

族姪 嗣佳

婺源汪 紱原名燦人集

門人余元遴
後學董昌璵

外篇

道統類 歷朝

孟子曰天下之生久矣一治一亂道萬世無弊而氣化則有盛衰然氣化之

衰人事之失也氣化之盛人事之得也所以挽氣化之衰而復於盛者人也人之所以挽回者道也然則要歸於道統而已

拊古今明失得稽道術辨異同輯此篇以資金鑑

歷朝

理學逢源

卷之十一

外篇道類

敬業堂

道原於天備於性存於心見於事著於物爲人物之所同
具而日在天下非有人所得而私之也其在天曰元亨利
貞其在人曰仁義禮智其在物曰父子君臣夫婦昆弟長
幼尊卑宗族鄉黨朋友其在事曰孝弟忠信睦婣任恤貌
言視聽恭從明聰道之爲道如斯而已顧道爲斯人所同
具而立道之極者則惟聖人誠以氣質之殊不能無蔽仁
者見之謂之仁智者見之謂之智百姓日用而不知而君
子之道鮮矣古聖人作以生知安行之資會天人性命之
全以處君師天下之位斯有以覺天下之人而使之各得
其性命之正是若上天之所爲特鍾而使之立人道之極

者而道統於是乎屬其在鴻荒以上不可考矣虞犧禹八卦以肇人倫神農教稼穡以厚民生軒轅正百物以前民用爰及金天高陽高辛漸次開闢而景運未熙因時爲治孔子刪書斷自唐虞誠以精一執中萬世之君道所由立卽萬古之天理所以長存而萬古之人心所賴以不死也故論道統者必自唐虞始

史氏畧曰堯高辛氏之後也錫土於陶遷有唐及桀以淫

廢乃登在位

纂史記

其德欽明文思安安允恭克讓光被四

表格於上下克明俊德以親九族九族既睦平章百姓百姓昭明協和萬邦黎民於變時雍五載乃命羲和治曆明

時見尚書十有二載伐西夏征有苗命閼伯掌火蓐作大章

作廟以享鬼神出路史時康衢歌德乃老人擊壤文中皞皞

如也乃洪水懷山襄陵帝引為己憂命舉伯鯀治之九載

績用弗成尚書七十載咨四岳舉舜七十三載命舜攝位曰

咨爾舜天之厯數在爾躬尤執其中四海困窮天祿永終

舜受終于文祖一百載崩參尚書論語

孔子曰唐堯其仁如天其智如神就之如日望之如雲富

而不驕貴而能降其言不忒其德不回四海之內舟車所

及莫不夷悅是帝堯之德也家語又曰大哉堯之為君也魏

巍乎唯天為大唯堯則之蕩蕩乎民無能名焉巍巍乎其

有成功也煥乎其有文章

虞舜濬哲文明溫恭允塞堯以丹朱歸訟爰咨四岳明明

揚側陋岳牧咸薦虞舜瞽子父頑母嚚象傲克諧以孝烝

烝乂不格姦堯使其子九男事之二女女焉觀厥刑舉而

加諸止位

參尚書孟子

慎徽五典五典克從納于百揆百揆時

敘賓於四門四門穆穆納于大麓烈風雷雨弗迷帝命舜

攝位受終于文祖肆齊七政享百神覲羣后巡守方岳乃

命益掌火禹治水稷降播種契爲司徒臯陶作士

參尚書孟子

舉八元八愷流放四凶

參左傳

攝政二十八載堯崩百姓如

喪考妣三年四海遏密八音舜避堯之子於南河之南天

下弗釋乃升在位

參尚書孟子

詢四岳咨十二牧命九官寅亮

天工

纂尚書

立誹謗之木設旌諫之鼓責德尚齒養老恭己

南面無爲而治斯時也南撫交趾北發肅慎東長島夷西

渠析支出入日月罔不率俾

通鑑

五載作韶樂三十有三載

命禹總師曰予懋乃德嘉乃丕績天之厯數在爾躬汝終

陟元后人心惟危道心惟微惟精惟一允執厥中禹受命

於神宗惟時有苗弗率命禹徂征三旬苗民逆命禹班師

振旅帝乃誕敷文德舞干羽于兩階七旬有苗格五十載

帝崩

尚書口孟子言舜卒於鳴條而史言巡守崩於蒼梧先清簡公云堯既命舜受終則巡守之事舜行之舜

既命禹總師則巡守之事禹行之舜安得復巡守而崩於蒼梧之野史氏之言不足信也

孔子曰寬裕而溫良敦敏而知時畏天而愛民恤遠而親
近睿智明通爲天下帝此舜之德也家語又曰舜其大知也
與舜好問而好察邇言隱惡而揚善執其兩端用其中於
民其斯以爲舜乎又曰君哉舜也巍巍乎有天下而不與
焉

孟子曰舜之飯糗茹草也若將終身焉及其爲天子也被
袵衣鼓琴二女果若固有之又曰舜之居深山之中與木
石居與鹿豕遊其所以異於深山之野人者幾希及其聞
一善言見一善行若決江河沛然莫之能禦也又曰舜明
於庶物察於人倫由仁義行非行仁義也

孟子曰堯舜性之也

程子曰得天理之正極人倫之至者堯舜之道也又曰堯舜知他幾千年其心至今在

夏禹顓頊之裔也父鯀治水無功舜殛之羽山舉禹作司空傷父績弗成乃八年于外手足胼胝隨山刊木奠山川九州攸同則壤成賦聲教四訖

參尚書通鑑

舜卽帝位使禹宅

百揆禹暨皋陶陳謨於帝前三十三載命禹總師受命於神宗征有苗後十七年舜崩三年喪畢禹避舜之子於陽城天下從之乃登帝位

參尚書孟子

會諸侯於塗山執玉帛者

萬國防風氏後至戮之作大夏二歲皋陶薨以益作相八

歲王崩于啓嗣享諸侯於鉤臺伐有扈九歲崩太康嗣逸
豫滅德黎民咸貳毆于有洛之表十旬弗反有窮后羿因
民怨距之于河夏德始衰羿因夏民代夏政稱帝太康居

於河南二十九歲崩弟仲康嗣仲康元歲命允侯掌六師

二歲伐羲和羲和貳心于羿
畔官離次也十三歲崩于相嗣夏益衰依

於斟灌斟鄩羿淫於原獸其臣寒浞殺而代之夏伯靡奔

有鬲浞滅斟灌斟鄩弑夏后相相妃緡逃之有仍生少康

相凡二
十七歲少康長爲仍牧正浞子羿求之少康奔有虞虞思

邑之綸布其德以收夏眾伯靡來歸遂自有鬲復二斟討

羿誅之少康復舊物二十一歲崩于杼嗣十七歲崩于槐

理學逢原卷之十一外篇道統類五故業堂

嗣二十六歲崩子芒嗣十八歲崩子泄嗣十七歲崩子不
降嗣五十九歲禪於帝局弟局立二十一歲崩子厘嗣二
十一歲崩不降之子孔甲嗣孔甲好鬼神肆淫暴諸侯多
叛三十一歲震死于皐嗣十一歲崩子發嗣十三歲崩子
履癸嗣頑很貪虐暴戾荒淫伐有施得妹喜寵之爲瓊宮
瑤室肉林酒池以媚妹喜殺關龍逢商湯哭之逐囚湯於
夏臺已而釋之會諸侯于有仍克有緡桀惡益恣星隕地
震伊洛漱泰山崩而桀不悛五十三歲商湯伐夏放桀于
南巢又三歲桀死

俱參尚書綱鑑

孔子曰夏禹敏給克齊其德不爽其仁可親其言可信聲

律身度量穆克儉克勤不矜不伐四海之內莫敢不

服

輯家語

又曰禹吾無間焉矣菲飲食而致孝乎鬼神惡衣

服而致美乎黻冕卑宮室而盡力乎溝洫禹吾無間焉矣

孟子曰啓賢能敬承繼禹之道

堯舜相傳敬而已兩敬乃所以能執中也啓惟能敬

所以能繼禹也

張南軒曰禹之爲聖本由學而成皆其工夫至到者也

商湯契之後也唐虞之世契爲司徒而封於商以至於湯

始徙都亳聞伊尹賢遂三聘致之進之於桀桀不能用尹

醜夏德復歸於商惟時成湯不邇聲色不殖貨利官有德

賞有功用人如己改過不吝克寬克仁彰信兆民克享天

心而桀益淫虐湯釋自夏臺益修德德及鳥獸諸侯歸之

時葛伯仇餉初征自葛遂伐韋顧此吾敗桀於有城之墟

放之南巢

參尚書商頌及路史通鑑

湯有慚德恐後世以爲口實仲虺

作誥以勉之歸至亳諸侯宗商乃作湯誥

纂尚書

十七祀大

旱二十祀夏桀死於亭山二十四祀大旱湯禱於桑林以

六事自責

曰政不節與民失職與宮室崇與女謁盛與苞苴行與讒夫興與

遂大雨鑄莊

山之金以賑民困作大濩銘盤盂以自戒三十一祀王崩

踐帝位者凡十三祀

大丁先湯死次子外丙嗣二祀崩弟仲壬嗣四

祀崩太丁之子太甲嗣伊尹作訓太甲狎於小人不明厥

德以顛覆湯之典型伊尹營于桐宮太甲居桐自怨自艾

處仁遷義三祀伊尹奉王歸亳三十三祀王崩子沃丁嗣
用咎單脩伊尹之政八祀伊尹薨二十九祀王崩弟太庚
立二十五祀崩子小甲嗣二十七祀崩弟雍己立商道寢
衰十三祀崩弟大戊立有桑穀之祥大戊脩德而祥桑枯
用伊陟臣扈巫咸嚴恭寅畏天命自度治民祇懼不敢荒
寧商道復興七十五祀崩子仲丁嗣遷囂十三祀崩弟外
壬立十五祀崩弟河亶甲立囂河決遷於相九祀崩子祖
乙嗣遷於耿用巫賢爲相十九祀崩子祖辛嗣十六祀崩
弟沃甲立三十五祀崩祖辛之子祖丁立三十二祀崩沃
甲之子南庚立二十五祀崩祖丁之子陽甲立七祀崩弟

盤庚立耿河決盤庚遷殷亳行湯之政諸侯來朝二十八
祀崩弟小辛立殷道復衰二十一祀崩弟小乙立二十八
祀崩子武丁嗣武丁舊學甘盤已而遜于荒野及卽位諒
陰三年不言旣免喪恭默思道夢帝賚之良弼以形旁求
天下得傅說賢之爰立作相武丁聽傳說之教不敢荒寧
嘉靖殷邦鬼方無道荆楚背叛王伐而克之五十九祀崩
子南庚嗣七祀崩弟祖甲立能知民依保惠小民不侮鰥
寡三十三祀崩子廩辛嗣殷道益衰六祀崩弟庚丁立二
十一祀崩子武乙嗣武乙無道敗于河渭間震死子文丁
嗣三祀崩子帝乙嗣三十七祀崩子受辛嗣紂辨敏才力

用於不善拒諫飾非伐有蘇得妲己嬖之作奇技淫巧以
悅之爲靡靡之樂營鹿臺鉅橋肉林酒池沈湎於酒又爲
炮烙之刑醢鬼侯脯鄂侯周侯聞而歎之遂囚周侯於羑
里其臣閔夭散宜生獻美女奇獸以贖周侯乃赦之微子
見紂無道謀於箕子比干而遜之荒野箕子比干諫紂因
箕子爲奴殺比干而刳視其心三十三祀周侯發伐殷戰
於牧野紂兵潰走自焚死殷亡

周后稷之後也后棄於堯舜時爲農官而封於邰暨夏之
衰也稷之後不窋失官而自竄於戎狄之間以及公劉復
脩后稷之業而自戎遷豳傳及古公亶父時商政日衰狄

人猶夏古公避狄難乃自豳遷岐改國號周民日歸之國
以寢強肇基王迹古公薨季歷嗣殷王乙始命之爲西伯
伐燕山戎伐始呼伐翳徒其勤王家季歷薨子昌嗣紂之
時周侯昌爲三公紂殺鬼侯鄂侯周侯歎紂遂囚之羑里
周臣閔天散宜生獻美女奇獸以贖之得釋以歸獻雒西
地於殷以除炮烙之刑紂惡日肆周侯徽柔懿恭懷保小
民惠鮮鰥寡德日益著諸侯多歸之三分天下有其二以
服事殷紂二十祀周侯昌薨子發嗣紂惡不悛周侯發遂
伐商至孟津諸侯不期而會者八百國渡河及紂戰於牧
野紂師前徒倒戈紂奔鹿臺自焚死諸侯宗周周王反商

政釋箕子囚封比干墓式商容廬散鹿臺之財發鉅橋之粟大資於四海封黃帝堯舜夏后之後封武庚於殷墟自商歸周偃武脩文追尊古公爲太王季歷爲王季文考爲文王建官惟賢位事惟能重民五教惟食喪祭惇信明義崇德報功封管叔蔡叔霍叔康叔於殷之畿內封太公望於齊受丹書之戒訪箕子之疇西旅貢獒召公作旅獒以戒之既克商二年王有疾周公禱於三王求以身代王疾瘳十九年武王崩子誦嗣周公攝政伯禽卽封於魯武庚不靖以搖三叔俾流言曰周公將不利於孺子周公避居於東成王悉武庚之姦及流言所起因風雷之變而發金

滕之書乃知周公之忠遂郊逆周公以歸三叔不安武庚
及三叔淮夷徐奄皆叛王命周公征之作大誥三年踐奄
辟管叔囚蔡叔降霍叔于庶人殺武庚求微子而封之宋
五年營洛邑六年制禮作樂七年王親政洛邑成越裳來
賓封叔虞於唐周公居洛十四年周公薨王命君陳分正
東郊三十七年成王崩子釗嗣作康王之誥十二年命畢
公保釐東郊朝諸侯於豐宮是時也刑措不用四海咸賓
二十六年康王崩子瑕嗣王廵守濟於漢水漢上人膠舟
以濟王王溺二十六年昭王崩子滿嗣命君牙爲司徒伯
冏爲僕正初政清夷十七年王西征徐夷畔王命徐子征

之徐子偕稱王王命楚子伐徐三十五年王征犬戎祭公諫不聽遂征之由是荒服不至五十年王命呂侯訓贖刑五十五年穆王崩子緊扈嗣十二年共王崩子囂嗣王室日衰二十五年崩懿王崩弟辟方立命非子養馬於汧渭間馬大蕃息遂邑非子於秦以紹伯翳十五年孝王崩子熒嗣諸侯來覲王始下堂而見諸侯命虢公伐太原之戎十六年夷王崩子胡嗣暴虐恣睢殺齊侯諸侯畏之十一年征淮夷不克三十年以榮夷公爲卿士榮夷公好利芮良夫諫王王不聽諸侯皆叛王益虐國人謗王三十三年王使衛巫監謗召穆公諫不聽三十六年國人畔攻王王

出奔彘太子靖匿召公家以全三十八年王在彘召公周
公共攝國事五十一年厲王崩子靖嗣周召輔之脩文武
成康之政用仲山甫申伯方叔張仲周道復興以秦仲爲
大夫命尹吉甫伐獫狁逐之二年命方叔征荆蠻命召公
征淮夷王自將征徐夷會諸侯於東都諸侯畢至三十九
年王師敗績於姜氏之戎四十六年宣王崩子宮涅嗣王
不道二年三川震岐山崩三年納褒姒五年廢申后及太
子宜臼而立褒姒十一年王伐申申侯召犬戎伐王弑幽
王諸侯立故太子宜臼於申晉文侯衛武侯秦人襄救王
犬戎王畏戎逼遂都洛而以西周地畀之秦封秦伯四

周遂亡王室漸夷於諸侯十九年荆侵申王使周民處申
四十九年春秋始五十一年平王崩孫林嗣鄭伯不朝十
三年王以蔡衛陳伐鄭戰于繻葛鄭射王中肩十六年楚
僭稱王二十三年桓王崩子佗嗣三年周公黑肩謀弑王
王殺黑肩十五年莊王崩子胡齊嗣晉曲沃人滅晉弑其
君王命曲沃伯爲晉侯五年釐王崩子閔嗣二年子頽作
亂伐王不克奔衛衛朔燕人以子頽攻王入京師王出居
鄭四年鄭伯虢公奉王以攻子頽克之十年王使召伯錫
齊侯命十一年齊侯伐衛十三年樊皮叛虢公討之二十
一年齊侯會諸侯伐楚責歸貢于京師二十二年齊侯及

諸侯會王世子於首止二十五年惠王崩于鄭嗣元年齊侯會諸侯于葵邱以申王禁王賜齊侯小白胙二年晉亂王使周公會齊人秦人立晉夷吾五年有戎難諸侯戍于京師九年齊侯小白卒十五年王以狄師伐鄭十六年狄以子帶攻王王出居鄭十七年秦伯晉侯討叔帶殺之晉侯來朝二十年晉侯齊師宋師秦師敗楚人于城濮獻俘于王王命晉侯爲侯伯冬王狩于河陽諸侯畢朝晉侯執衛侯歸于京師二十四年晉侯重耳卒二十九年王命秦伯爲西伯三十一年秦伯任好卒三十三年襄王崩于壬臣嗣六年頃王崩于班嗣六年匡王崩弟瑜立楚子來問

鼎卻之十七年王師敗績于茅戎二十一年定王崩子夷
嗣八年王使劉子成子會晉伐秦九年晉侯執曹貳歸
于京師十四年簡王崩于泄心嗣二十一年孔子生二十
二年穀洛鬪二十七年靈王崩子貴嗣二十一年王鑄大
錢單子諫不聽二十四年王鑄無射而爲之大林二十五
年景王崩子猛嗣卒尹氏立子朝單子劉子奉子勾立出
居翟泉四年晉師單子劉子討子朝逐之王入居王城十
六年子朝之徒復作亂王出居晉晉師納王三十九年魯
西狩獲麟孔子作春秋四十一年孔子卒四十四年敬王
崩子仁嗣三年越人來貢七年元王崩子介嗣二十八年

貞定王崩子去疾嗣弟叔弑之弟嵬誅叔自立封其弟于河南十六年考王崩子午嗣二十三年九鼎震初命晉陪臣魏斯趙籍韓虔爲諸侯二十四年威烈王崩子驕立十一年齊臣田和遷其君于海上十三年王命田和爲齊侯二十六年安王崩子喜嗣六年齊侯來朝七年烈王崩弟扁立五年王賜秦黼黻之服八年慧見西方秦始變法十九年秦遷于咸陽廢井田二十五年諸侯會于京師二十六年致伯于秦秦會諸侯來朝三十六年燕趙魏韓齊楚合從以擯秦三十七年從約解四十四年秦僭稱王四十八年顯王崩子定嗣六年慎靚王崩子延嗣八年趙始胡

服二十七年秦稱西帝使齊爲東帝已而去之三十四年
楚謀入寇王使東周公喻止之五十九年秦伐韓趙王合
諸侯討秦不克秦遂入寇王入秦獻其地越七年東周公
合諸侯伐秦秦滅東周公周亡

孔子曰三分天下有其二以服事殷周之德其可謂至德
也已矣

子思子曰詩云維天之命於穆不已蓋曰天之所以爲天
也於乎不顯文王之德之純蓋曰文王之所以爲文也純
亦不已

大學傳曰詩云穆穆文王於緝熙敬止爲人君止於仁爲

人臣止於敬爲人子止於孝爲人父止於慈與國人交止於信

孔子曰武王周公其達孝矣乎夫孝者善繼人之志善述人之事者也

孟子曰堯舜性者也湯武反之也 又曰禹惡旨酒而好善言湯執中立賢無方文王視民如傷望道而未之見武王不泄邇不忘遠周公思兼三王以施四事其有不合者仰而思之夜以繼日幸而得之坐以待旦 又曰王者之迹熄而詩亡詩亡然後春秋作晉之乘楚之檮杌魯之春秋一也其事則齊桓晉文其文則史孔子曰其義則其猶

取之矣

韓子曰堯以是傳之舜舜以是傳之禹禹以是傳之湯湯以是傳之文武周公文武周公以是傳之孔子孔子傳之孟軻軻之死不得其傳焉

程子曰聖人無過湯武反之也其始未必無過所謂如日月之食乃君子之過堯與舜更無優劣及至湯武便別文王之德似堯舜禹之德似湯武要都是聖人聖人無優劣堯舜之讓禹之功湯武之征伐伯夷之清柳下惠之和伊尹之任周公在上而道行孔子在下而道不行其道一也張子曰稽眾舍己堯也與人爲善舜也聞善言則拜禹也

用人惟己改過不吝湯也不聞亦式不諫亦入文王也皆虛其心以爲天下也

三代而上治統與道統合三代而下治統與道統分其信然與曰道者天下古今之所共也上非道則無以爲治下非道則亦無以爲人矣顧人心有欲道體無爲要必有人焉立乎斯道之極而爲之維持調護之以示之準而後天下之人有所會歸以不至踰越於斯道當其時者觀感而化而既沒之後流風餘韻猶足以繫著乎人心至於四五百年之久此則道統之所繫而天下古今之所重賴焉者也至於聖人漸遠則流風日微世教

日衰而人心日蕩此則氣化所趨自有不能不衰之勢而終則有始反復其道天又必爲之篤生聖人以繼續之此貞元之理剝復之常也獨是聖人在上則道無不盡而治極其隆雖有在下之聖人亦爲之贊襄協理而已道之外無所爲治也作而在上者不皆聖人則雖能撥亂爲治而道有未盡則治亦有未純於是又賴乎在下之聖人爲之脩明以補救之此亦天道之變而聖人之權也要之世之所以不終於極亂而人之所以不胥於禽獸者皆賴乎道以爲之治而又安得有治外之道統道外之治統與顧自周道衰而聖人之治不復孔子

歿而聖人之道不明而一切老莊楊墨刑名術數功利
縱橫之說叢起於天下日增月益愈引愈蔓以至於不
可拚埽漢唐而下雖有英辟皆與時苟簡上下浮沈不
復有志於唐虞之治徒以小成自安而道統乃不得不
以下屬之師儒由來久矣而宦官宮妾之輩猶日以堯
舜諛其君以欺君者欺天下也反諸寤寐豈無愧邪
秦伯益之後自非子始邑於秦至襄公而列爲諸侯及德
公文公盡有西周之地穆公遂伯西戎孝公用商鞅之術
國益富強惠文以後漸用蠶食六國以及孝文莊襄已有
必兼天下之勢莊襄旣滅周室天下瓦分無統莊襄之子

政立十四年而韓請內附十五年滅韓虜韓王安十九年
破趙虜趙王遷二十二年滅魏降魏王假二十三年滅楚
虜楚王負芻二十五年滅燕虜燕王喜二十六年襲齊齊
王建降遂自稱為皇帝除證法用亥正分天下為三十六

郡秦內地為內史郡北為上郡西為隴西郡西北為北地郡南為漢中郡以蜀地為巴郡蜀郡以周韓地為三川郡南陽郡上黨郡以太魏地為潁川郡河東郡陽郡以趙地為邯鄲郡鉅鹿郡太原郡雲中郡鴈門郡九原郡以楚地為南郡九江郡鄣郡會稽郡黔中郡長沙郡以燕地為上谷郡漁陽郡北平郡遼西郡遼東郡以齊地為泗水郡薛郡東郡齊郡瑯琊郡又開嶺南為桂林郡共三十六郡郡置守尉監收天下兵聚咸

陽銷以為鐘鐻金人十二重各千石置之宮庭中徙天下豪傑於咸

陽十二萬戶二十八年東行郡縣上鄒嶧山立石頌功業封泰

外篇道統類 共 改業堂

山禪梁父東遊海上以求不死之藥南嶺湘山韓人張良

使力士擊始皇於博浪沙中不中而遁索之不獲三十二

年北巡使蒙恬伐匈奴取河南地今套中築長城自臨洮

至於遼東三十四年燒詩書百家語所不去者醫藥卜筮

令者則以三十五年營阿房三百餘里坑諸生於咸陽四百六十餘人

太子扶蘇諫之不聽遂斥太子監蒙恬軍三十七年東巡

死於沙邱宦者趙高及李斯矯詔賜太子及蒙恬死而立

胡亥為皇帝李斯趙高導之以逸樂而行督責乃盡戮其

兄弟姊妹楚人陳勝吳廣起兵於蕲勝自立為楚王吳廣

攻滎陽諸郡縣爭殺長吏以應之楚將武臣徇趙自立為

趙王楚人劉邦自立稱沛公楚人項梁起兵於吳齊六田
儋自立爲齊王楚將韓廣自立爲燕王周市立魏公子無
咎爲魏王二年武臣死張耳陳餘立趙歇爲趙王楚陳勝
敗死秦嘉立景駒爲楚王楚項梁擊景駒殺之立懷王之
孫心爲楚王立韓成爲韓王趙高譖李斯於二世殺之趙
高爲秦相秦將章邯破楚軍於定陶項梁死楚遣沛公伐
秦三年楚項羽破秦軍虜王離秦章邯降於項羽秦趙高
弑其君胡亥而立子嬰子嬰誅趙高沛公敗秦軍於藍田
子嬰降於沛公秦亡

先王之所以治天下者曰井地曰封建曰學校至秦而

盡壞之何天步之阨至斯極與然所以至此者非一朝一夕之故也其所由來者漸矣自夫周道旣衰聖王不作諸侯放恣漸廢先王之法而處士橫議其間以倡爲邪說鼓行釀自春秋至於戰國其不至於盡廢井田開阡陌併諸侯列郡縣毀冠裂冕焚書坑儒勢不可止是故率獸食人人將相食孟子之憂夫已遠也

漢劉氏名邦沛人也陳勝兵起沛人共殺其令而戴邦爲沛公後以楚王心令將兵西入秦秦王子嬰降沛公使蕭何收其圖籍除秦苛法秦民悅之時項羽旣定河北遂盡坑秦之降卒而西入關欲擊沛公沛公以力不敵下之項

羽屠咸陽殺子嬰焚秦宮室乃尊楚王爲義帝自稱西楚

霸王封沛公爲漢王裂秦地爲三以封秦降將三人

章邯爲雍

王司馬欣爲塞王董翳爲翟王

更易天下諸侯王盡封其所私匿而歸自

都彭城漢王乃使韓信帥師還定三秦二年楚項羽弑義

帝於江南漢王爲義帝發喪使告於諸侯以東伐項羽項

羽自攻齊還敗漢師於睢水漢王還至滎陽敗項羽師於

滎陽東漢將韓信伐魏虜魏豹三年韓信破趙定燕漢以

張耳爲趙王楚九江王英布降於漢項羽急攻滎陽漢王

退守成皐楚破漢將彭越師漢王收河北軍進取敖倉彭

越復下梁地項羽還擊越韓信襲齊四年漢王擊項羽將

咎於汜水破之軍廣武項羽使龍且救齊韓信破齊殺龍
且虜齊王漢以韓信爲齊王以黥布爲淮南王項羽求成
於漢漢及楚平五年漢追項羽於固陵齊王信梁相國越
及劉賈誘楚周殷迎黥布皆會圍項羽垓下項羽自殺楚
地悉平歸至定陶更立齊王信爲楚王魏相爲梁王漢王
卽皇帝位夏罷兵定都關中六年帝會諸侯於陳執楚王
信以歸赦爲淮陰侯始大封功臣自蕭何以下封從兄賈
爲荊王交爲楚王兄喜爲代王子肥爲齊王尊父太公爲
太上皇令叔孫通起朝儀九年使劉敬如匈奴結和親廢
趙王敖十年太上皇崩代陳豨反十一年破陳豨后殺淮

陰侯信帝還下詔郡國求遺賢帝襲梁廢梁王越立故秦南海尉趙佗爲南粵王淮南王布反十二年帝破布軍斬西誅之還過魯以太牢祀孔子燕王綰反遣樊噲討之夏帝崩子盈嗣元年太后酖殺趙王如意三年以宗室女爲公主嫁於匈奴四年除挾書令立原廟七年惠帝崩太后使呂產呂祿將南北軍太后臨朝稱制而立張后子爲少帝二年封齊王弟章爲朱虛侯四年廢少帝幽殺之立恆山王義爲帝八年太后崩齊王襄發兵討諸呂呂產使大將軍灌嬰擊之嬰留屯滎陽與齊連兵太尉勃丞相平朱虛侯章誅產祿及諸呂齊王灌嬰皆罷兵迎代王恆入卽

位元年除收孥相坐律令立子啓爲太子定振窮養老之
令令四方毋來獻二年親耕籍田除誹謗妖言法五年更
造四銖錢除盜鑄令六年淮南王長謀反廢之十三年詔
具親耕桑禮儀除祕祝除肉刑十五年帝如雍始郊見五
帝親策賢良能直言極諫者十六年帝親祀渭陽五帝廟
詔以明年爲元年後二年復與匈奴和親後七年文帝崩
遺詔天下吏民三日釋服子啓卽位元年更定筭令三年
吳膠西膠東菑川濟南楚趙反周亞夫討破吳楚七王皆
伏誅六年廢皇后薄氏七年廢太子榮立王氏爲后徹爲
太子中三年詔議疑獄中六年更減筭法定筭法後三年

詔勸農桑禁采金珠玉景帝崩太子徹立建元无年舉賢
良方正直言極諫之士以董仲舒爲江都相治申韓蘇張
之言者皆罷之迎申公爲大中大夫五年置五經博士元
光元年初令郡國舉孝廉二年始親祠竈遣方士求神仙
誘匈奴入塞邀之不獲五年通南夷廢皇后陳氏六年初
算商車元朔元年太子據生立衛氏爲皇后五年爲博士
置弟子五十人六年詔民得買爵贖罪置武功爵元狩元
年得一角獸元鼎元年起柏梁臺置均輸禁郡國鑄錢三
年令株送徒入財補卽六年平南越制封禪儀元封元年
帝出長城登單于臺勒兵而還平東越祭中嶽封泰山作

平準法二年作明堂於汶上三年擊車師五年制十三部
交趾朔方及冀幽并兗詔舉茂材異等可爲將相使絕國
徐青揚荆豫益涼等州者太初元年造太初歷始以正月爲歲首色尙黃數用五
定官守協音律定宗廟百官之儀伐大宛天漢三年初權
酒酤太始二年皇子弗陵生征和二年太子據殺使者江
充白皇后發兵反詔丞相屈釐討之皇后衛氏及據皆自
殺四年罷方士桑宏羊請屯輪臺帝不許下詔自悔後元
二年武帝崩太子弗陵立始元元年遣使行郡國舉賢良
問民疾苦四年立上官氏爲皇后六年罷權酤官元鳳元
年鄂邑長公主燕王旦上官桀安等謀反伏誅元平元年

昭帝崩霍光承皇后詔迎昌邑王賀

武帝第五子哀王薨之子

立之昌

邑王有罪大將軍光率羣臣奏太后廢之而迎立武帝曾

孫病己卽位

前太子據生史皇孫史皇孫生病己

立皇后許氏本始三年大

將軍光妻顯弑皇后許氏四年立光女爲皇后地節二年

霍光卒三年立子奭爲太子四年霍顯及子禹山雲等謀

逆皆伏誅元康元年追尊悼皇爲皇考立寢廟

先是追諡太子據爲

戾太子戾夫人史皇孫爲悼考悼后至是尊稱皇考

二年立王氏爲皇后四年求高

祖功臣子孫失侯者賜金復其家神爵元年使人求金馬

碧雞之神於蜀二年置金城屬國五鳳四年糴三輔近郡

穀供京師初置常平倉甘露三年詔諸儒講五經異同於

石渠閣皇孫驚生黃龍元年宣帝崩太子奭立初元元年
立王氏爲皇后罷宮館希幸者減穀食馬肉食獸二年立
子驚爲太子以宦者石顯爲中書令永光三年復鹽鐵官
置博士弟子員千人竟陵元年元帝崩太子驚立以元舅
王鳳爲大司馬大將軍領尙書事建始元年封舅王崇譚
商立根逢時皆爲侯二年立皇后許氏河平二年悉封諸
舅爲列侯三年求遺書鴻嘉元年帝始爲微行五年廢皇
后許氏永始元年封太后弟子莽爲新都侯立趙氏爲皇
后綏和元年立定陶王欣爲皇太子增弟子員三千人二
年成帝崩太子欣立立皇后傅氏詔劉秀典領五經建平

元年以傅喜爲大司馬元壽二年以董賢爲大司馬哀帝
崩太皇太后以王莽爲大司馬領尙書事迎中山王箕子
爲嗣太皇太后臨朝大司馬莽秉政元始元年晉莽安漢
公三年立莽女爲皇后四年莽起明堂辟雍靈臺徵天下
通經異能之士五年加莽九錫莽弑平帝遂自攝帝位居
攝元年莽立宣帝元孫嬰爲皇太子號曰孺子安眾侯劉
崇起兵討莽不克死之莽稱假皇帝二年東郡太守翟義
起兵討莽立劉信爲天子莽遣兵拒擊義不克死之信亡
走初始元年莽自稱新皇帝莽始建國元年莽廢孺子爲安定公
徐鄉侯劉快起兵討莽不克死之二年莽廢諸侯王爲民天

四年臨淮琅琊及荊州綠林兵起大莽大夫揚雄死地皇二年莽

子臨謀殺莽事覺自殺南郡秦豐兵起三年荊州平林兵起

赤眉破莽將廉丹瑯琊樊崇起於莒以赤眉為號

或問高祖為義帝發喪詐也後如何卻成事朱子曰只緣當時人和詐也無如五伯假之也亦是諸侯皆不能假故也

問高祖規模宏遠何事可見張南軒曰約法三章用三老董公之言此二事可驗○高祖平生好謀能聽

程子曰善人為邦百年亦可以勝殘去殺漢自高惠至於文景庶幾近之

朱子曰三代以下漢文帝可謂恭儉之主

陳潛室曰文帝平生所爲大抵出於黃老然不聞有無情少恩之病何邪蓋文帝天資粹美卻能轉得黃老不好處作好處景帝天資刻忍卻將黃老好處轉作不好處

朱子曰武帝病痛固多然天資高志向大足以有爲使合得個眞儒輔佐豈不大有可觀惜無眞儒輔佐不能勝其多欲之私做從那邊去了後來已自知其罪向若能以董仲舒爲相以汲黯爲御史大夫豈不善

或問宣帝言漢雜王伯此說也似是朱子曰這個先須辨別得王伯分明方可去論他是與不是胡叔器曰如約法

三章爲義帝發喪之類做得也似好曰這個是他有意無意叔器曰有意曰既是有意便非王道又曰宣帝也不識王伯只是把寬慈的喚做王嚴酷的喚做伯

張南軒曰漢自高祖取天下已非若湯武弔民伐罪之心而其立國規模又無復三代封建井田公天下之意其有合於王道者要亦假之而誠不孚也夫王道如精金美玉豈容雜也雜之則是伯而已惟文帝天資高而其操術亦雜於黃老刑名至宣帝則又伯之下者桓文之罪人也西京之亡自宣帝始蓋文景養民之意至是而盡消磨矣元帝之好儒生蓋竊其近似之名委靡柔懦敗壞天下者其

何德教之云夫惟王者之政其心本乎天地建立人紀施於萬事仁立義行而無偏弊不舉之處此古人所以制治保邦而垂裕無疆者後世未嘗真知王道顧曰儒生之說迂闊而難行蓋亦未之思矣

漢高之始爲沛公也爲眾所推其入關也義帝以其長者固已異於陳項矣秦民惟恐沛公之不王關中以其約法三章也諸侯之從漢伐楚以其爲義帝發喪也當暴秦之後繼以項羽而漢高獨能如是安得不有天下乎高祖非真能仁者而質美能知是非之所在故每不勝私欲而尙能肯聽人言若其醢信越困平城嬖戚姬

掘樹子以啓呂氏之毒則已寔安而欲生無以自克以卒貽嗣子之憂也可不懼哉惠帝享國日淺其禍非惟呂氏實高帝之黷於脩齊爲有以致之矣文帝小康人以爲黃老之效抑知文帝之治以恭儉愛民致之而所以止於如是者則正以黃老之術果之也景不如文之慈惠而用文之黃老則慘刻行矣武帝多欲而中國以虛耗矣然而首尚儒術改用夏時聖人之經至是而始畢出焉則其功固又有在萬世者漢世可大有爲之君愚以爲首推武帝焉文景不及也惜乎無師保眞儒以佐之以至用其有爲之資於所不當用耳昭位不永宣

帝繼之以刑餘爲周召以法令爲詩書操切苛煩彼自以爲雜伯也實則申韓耳西京之亡安得非由宣帝與元哀而下闇弱以至於亂亡又何譏焉

漢宗室劉縯及弟秀起兵舂陵新市平林兵皆附之

劉縯及秀

漢景帝第十子長沙定王之六世孫也次年更始元年漢兵圍宛立劉元爲皇帝

入宛都之劉元殺大司徒縯隗囂周宗起兵隴西應漢公

孫述起兵成都漢兵入長安誅王莽劉元都洛陽元以劉

秀行大司馬徇河北州郡邯鄲王郎詐稱成帝子自立爲

帝起據趙

更始二年

大司馬秀合漁陽上谷兵拔邯鄲斬王郎

劉元立秀爲蕭王令罷兵不肯蕭王擊銅馬賊於鄴降之

赤眉西攻長安明年蕭王擊光來大捨五幡於元氏破之
六月蕭王卽皇帝位改元建武赤眉立劉盆子爲大將軍
赤眉入長安劉元走眾降於赤眉帝克洛陽都焉使鄧禹
西入關赤眉殺劉元二年封諸功臣爲列侯起高廟於洛
陽立社稷郊兆鄧禹入長安彭寵以漁陽反攻朱浮於薊
立郭氏爲皇后子彊爲太子使馮異代禹於關中三年立
四親廟於洛陽其高祖春陵節侯買曾祖鬱林太守外祖車鹿都尉回父南頓令欽馮異大
破赤眉於滎底赤眉東向宜陽帝親禦之赤眉悉降劉永
據東方立董憲爲海西王張步爲齊王步執漢使伏隆殺
稱帝之涿郡太守張豐反四年帝使吳漢擊五校於臨平破之

使耿弇祭遵討張豐斬之弇進攻彭寵隗囂使馬援奉書入見公孫述兵窺陳倉隗囂以兵助馮異擊破之彭寵薨頭子密殺寵以降耿弇擊富平獲索於平原破之遂進討張步河西竇融使劉鈞奉書入見帝遂授融爲涼州牧耿弇拔臨淄大破張步步斬蘇茂來降初起太學帝親視學交趾牧鄧讓入貢徵處士周黨嚴光王良至京師黨光不仕六年吳漢拔胸斬董憲龐萌遣耿弇等自隴伐蜀隗囂發兵反帝詔天下并省縣長吏七年罷郡國車騎材官還復民伍晦日食詔百僚各上封事不得言聖八年遣來歙伐隗囂取略陽帝自將征囂囂奔西城潁川盜起帝還自

將討平之公孫述遣兵救囂九年隗囂卒于純嗣來歙討
降之十一年使吳漢會岑彭伐蜀蜀人刺殺來歙岑彭至
陽武蜀人又刺殺彭十二年吳漢攻城都大破公孫述述
死蜀平參狼羌諸種叛隴西太守馬援破之詔邊吏料敵
戰守不拘以逗遛法十三年詔大官勿受郡國異味十七
年廢皇后郭氏立陰氏爲皇后交趾女子徵側徵貳反使
馬援討之徙四親廟於章陵廢太子疆爲東海王立東海
王陽爲太子二十四年武陵蠻叛使馬援討之建武中元
元年帝封禪起靈臺辟雍宣布圖讖於天下二年光武帝
崩太子莊卽位卽陽永平元年東平王蒼脩議禮樂帝臨辟

雍行太射禮三年立馬氏爲皇后立子烜爲太子初遣使
求佛書及其人於天竺佛法始入中國八年詔聽有罪亡
命者贖九年匈奴遣子入學十三年楚王英有罪廢十五
年帝東巡耕於下邳至魯詣孔子宅十六年伐匈奴十七
年平車師置西域都護十八年明帝崩太子烜立建初元
年詔廩膳饑民詔二千石勸勉農桑理冤獄詔以上林池
籩賦予貧民三年立竇氏爲皇后四年立子慶爲太子詔
諸儒會議五經同異於白虎觀七年廢太子慶爲清河王
立子肇爲太子元和元年詔議貢舉法二年詔戒俗吏矯
飾者帝東巡耕於定陶至魯祠孔子歸格於祖禰三年詔

嬰兒無親屬及有子不能養者廩給之詔侍中曹褒定禮
章和二年章帝崩太子肇立竇太后臨朝竇憲殺都鄉侯
暢懼罪請擊匈奴自贖太后從之永元元年竇憲擊匈奴
還以憲爲大將軍四年憲伏誅以宦者鄭眾爲大長秋九
年竇太后崩追尊母梁氏爲皇太后封梁竦三子爲侯十
三年帝幸東觀十四年皇后陰氏廢死立鄧氏爲皇后封
鄭眾鄭鄉侯十五年詔大官勿受遠國珍羞元興元年和
帝崩少子隆嗣鄧太后臨朝廷光元年殤帝崩太后迎清
河王章帝第三子祐嗣立太后猶臨朝永初二年夏旱太后
親錄囚徒元初二年立閼氏爲皇后永宣元年立子保爲

太子建光元年鄧太后崩帝親政詔舉有道之士封官者
江京等爲列侯延光二年封乳母王聖爲野王君三年廢
太子保爲濟陰王四年安帝崩於葉閭太后臨朝及閭顯
迎北鄉侯懿章帝第五子濟北惠王之子嗣立北鄉侯薨中常侍孫程

王康等迎濟陰王保卽位下閭顯於獄遷閭后於離宮封
孫程等凡十九侯永建元年閭太后崩二年追尊母李氏
爲恭愍皇后聘處士樊英楊厚黃瓊六年起太學陽嘉元
年立梁氏爲后以梁商爲執金吾立孝廉限年課試法二
年封乳母宋娥爲山陽君四年初聽中官得以養子襲爵
以梁商爲大將軍元和元年武陵蠻反二年徵處士法真

不至六年梁商卒以梁冀爲大將軍不疑爲河南尹漢安二年增孝廉爲四科建康元年立子炳爲太子順帝崩太子炳立梁太后臨朝永嘉元年冲帝崩徵清河王蒜及渤海孝王子續皆章帝曾孫皆至梁冀及太后立續蒜罷歸國本

初元年令郡國舉明經詣太學梁冀弑質帝而迎立蠡吾侯志太后猶臨朝聽政建和元年立梁氏爲皇后梁冀殺李固杜喬和平元年太后崩封大將軍梁冀妻壽爲襄城君延熹二年梁后崩立鄧氏爲皇后中常侍單超徐璜等誅梁冀封單超等五人爲侯以單超爲車騎將軍八年廢皇后鄧氏幽殺之九年詔捕黨人李膺杜密等二百餘人

永康元年赦黨人歸田里禁錮終身桓帝崩竇太后臨朝
竇武迎河間孝王曾孫宏立之建宣元年中常侍曹節王
甫等矯制殺聞喜侯竇武錄尚書事陳蕃遷太后於南宮
二年復治鉤黨殺前司隸校尉李膺等百餘人皇太后竇
氏崩四年詔諸儒正五經文議郎蔡邕書之刻石立於太
學門外光和元年置鴻都門學廢皇后宋氏幽殺之開西
邸賣官入錢有差二年宦者王甫伏誅三年立何氏爲皇
后作畢圭靈昆苑中平元年黃巾賊張角起赦天下黨人
遣盧植皇甫嵩等討賊騎都尉曹操會朱儁破之五年置
州牧六年靈帝崩太子辨立何太后臨朝何進爲大將軍

進召涼州守董卓兵入誅宦官宦官張讓等矯詔殺大將軍進中軍校尉袁紹捕諸宦官盡殺之張讓刼帝及陳留王出穀門讓溺死董卓兵至迎帝歸遂廢帝爲弘農王立陳留王爲帝弑太后何氏悉復諸黨人爵初平元年卓弑弘農王關東州郡起兵討卓以渤海太守袁紹爲盟主卓脅帝遷都長安曹操與卓兵戰於滎陽不克二年關東諸將奉大司馬劉虞爲帝虞不受長沙太守孫堅擊卓敗之卓西走袁紹逐冀州牧韓馥自爲冀州牧袁術孫堅攻荊州刺史劉表表將黃祖射堅殺之河南尹朱儁徵兵討卓三年卓校尉李傕郭汜等破朱儁於中牟司徒王允誅董卓

卓李淮郭汜舉兵犯長安王允死之青州賊黃巾餘黨寇兗州

殺刺史劉岱曹操自領兗州刺史擊賊降之四年袁術進

兵封邱曹操擊破之術走壽春自領揚州牧曹操攻徐州

刺史陶謙謙走保邳青州公孫瓚攻劉虞殺之遂據幽州

興平元年平原相劉備救陶謙謙表備爲徐州刺史曹操

復攻謙破劉備陳畱太守迎呂布以拒操操還攻布劉焉

卒于璋爲益州牧陶謙卒劉備領徐州二年立伏氏爲皇

后曹操破呂布於鉅野李淮郭汜相攻淮劫帝入其營楊

奉董承將兵奉帝東歸孫策擊劉繇於曲阿破走之袁紹

圍東郡執太守臧洪殺之劉虞故吏鮮于輔迎虞子和攻

里學奎原卷之十一外篇道統類 三 敬業堂

公孫瓚破之建安元年袁術攻劉備備自拒術呂布龔備
下邳備降於布布自稱徐州牧曹操入朝迎帝遷許昌自
爲大將軍封武平侯孫策取會稽呂布攻劉備備走歸操
操以備爲豫州牧屯兵沛袁術稱帝於壽春曹操擊袁術
破之呂布復攻劉備曹操擊布殺之以劉備爲左將軍以
孫策爲討逆將軍封吳侯四年袁紹攻公孫瓚瓚自焚死
袁術北走詔劉備邀之術還走死袁紹攻曹操孫策取廬
江豫章劉備受密詔起兵徐州討曹操五年曹操殺車騎
將軍董承遂擊劉備破之備奔冀州袁紹進軍黎陽曹操
斬紹將顏良交醜於白馬操燔紹糧穀紹敗還孫策卒以

孫權爲討虜將軍六年曹操擊劉備於汝南備奔劉表亡
年袁紹卒八年紹子譚尙相攻譚請救於曹操九年曹操
攻袁尙於鄴尙敗走幽州十年曹操攻斬袁譚幽州降於
曹操袁尙奔烏桓十二年劉備見諸葛亮於隆中十三年
罷三公官曹操自爲丞相擊劉表表卒表少子琮舉州降
曹操劉備走當陽曹操追之劉備與表長子琦駐夏口曹
操東下孫權使周瑜魯肅合劉備兵迎擊操於赤壁大破
之操引還劉備表劉琦爲荊州刺史十四年孫權表劉備
領荊州牧十六年馬超韓遂據潼關操擊超破之超遂奔
涼州劉備將兵入蜀遂據涪城十一年曹操伐孫權至濡

須而還操自立爲魏公加九錫十九年曹操進位諸侯王
上劉備圍成都劉璋降備自領益州牧曹操弑皇后伏氏
二十年立曹氏爲皇后曹操擊張魯於漢中拔之二十一
年曹操晉爵魏王二十二年曹操擊孫權權降二十三年
少府耿紀司直韋晃起兵討曹操不克死之二十四年劉
備將黃忠斬曹操將夏侯淵於漢中曹操救漢中備將趙
雲擊敗之備自稱漢中王使關羽進攻樊城羽擒曹操將
于禁龐德孫權使呂蒙襲殺關羽二十五年曹操卒子不
嗣魏王位遂自稱皇帝廢帝爲山陽公

宋呂東萊曰光武治天下規模不及漢高其禮嚴光用

茂所以能養得後來許多名節○光武罷郡縣材官等事
其識見與秦皇亦相去不遠

張南軒曰高祖洪模大略非光武所及也高祖起匹夫取
天下光武則以帝胄因人心思漢而復舊業其難易固有
間矣而高祖所敵者項籍蓋世之豪光武所周旋則張步
隗囂公孫述輩其去籍相遠矣韓信彭越皆如要駕之馬
實難駕御而盡在高祖掌握之中光武有臣如此未必能
用也然而創業之艱光武固不及高祖而光武之善守則
非高祖所及大抵高祖資高而不學卽位之後維持經理
類皆疏略雄傑之氣不能自斂光武資雖不逮高祖而少

從諸生講儒學謹行義故天下既定則戢兵閉關保全功臣此皆思慮縝密要自儒學中來至於尊禮隱逸褒崇風節以振士氣後之人君尤未及此非特高祖也

胡氏曰和帝方之章帝實過之

朱子曰東漢之誅宦官前輩多論之然嘗細論其事恐禍根不除終無可安之理後人據紙上語指點前人甚易爲力不知事到手頭實要處斷毫髮之間便有成敗不是容易事若使陳實只誅得首惡一二人後來未必不取王允五王之禍也

張南軒曰名節之稱起於衰世古之儒者學問素充隨時

著見不斲立節而節不可奪不斲徇名而名自從之存己
無一毫加意也至於世衰道微於陵遲委靡之中而其能
拔然自立者則世以名節歸之而士君子道學未至則亦
以此自負吁亦小矣然而衰世之中實亦有賴焉使併此
俱亡則亦無以爲國矣西漢儒者予甚病之蓋自申公董
生而外只以佔畢詁訓爲儒上焉不能推尋問學之源流
次之又不能以名節立於衰世考其所自良由高祖鄙薄
儒生文景尊尙黃老武帝雖號崇儒然徇其文而不究其
實至宣帝則又明示所以不尙之意則其挫抑摧沮之餘
不復自振固宜然儒者之學豈必爲時尙而後勉邪漢自

叔孫通師弟子固皆以利祿爲事至公孫宏取相封侯學士皆欣慕之其流如夏侯勝之剛果猶有明經取青紫之言盡其習俗委靡一至於此宜乎王莽篡奪之日貢符獻瑞一朝成羣而能自潔者班班僅見也光武中興力矯斯弊尊德義貴隱逸以變其風而中世以後人才輩出雖視昔之儒者有愧然在衰世之中守義不變蓋有足尙者矣桓靈之後國勢奄奄羣狡並起睥睨神器未敢卽取者亦一時君子維持之力也

朱子曰溫公論東漢名節處覺有未盡處但知黨錮諸賢趨死不避爲光武明章之烈而不知建安以後中州士夫

只知有曹氏不知有漢室卻是黨錮殺戮之禍有以毆之也且以荀氏一門言之荀淑正言於梁氏用事之日而其子爽已濡迹於董卓專命之朝及其孫爽則遂爲唐衡之壻曹操之臣而不知以爲非蓋剛大直方之氣折於凶虐之餘而漸圖所以全身就事之計故不覺其淪胥而至此耳

莽惡旣彰人心思漢方春陵起兵時已爲四方之所繫屬然聖公益于孰非漢之宗室而英傑景從獨於文叔知非徒以憑藉先靈故也赤心置人腹岸幘見馬援同一符高祖誠有然者而豁達之中自餘檢束之意先儒以

一爲嘗事於學之故顧西京迄無眞儒學亦祇屬粗迹是
二以握符受命斷事以圖讖易樹子妾爲妻其勝於高祖
之不學者蓋亦幾希也至其保全功臣之美則亦有故
存焉高祖之於韓彭有不得不聽其千里而王者則有
一必不能相安以與之俱存者高祖寡恩抑亦勢也光武
之臣則不然矣而其總攬權綱功臣不與國事則矯之
抑又有過焉者於聖人脩己用人之道則概乎未有聞
也若乃崇尚節義謙己尊儒則百王法焉可矣明章皆
圖治之君也興學校表遺經脩禮樂恤民隱猗與不其
盛哉乃師儒不過桓榮定禮屬之曹褒則卑卑亦何足

尙也況乃佛法之入則明帝竟爲萬世厲階君子又安
能無恨也外戚之禍自章肇之宦豎之橫自和基之由
是迭爲鴟張以終漢室和之賢於章也似亦未敢信矣
漢室多艱降自殤安順沖質以至桓靈持太阿之柄非
外戚則內豎天下有道則庶人不議朝廷若此而黨人
之數濁揚清者又烏能箝其口哉黨人而在則公論之
所維持漢室猶存喘息迨黨人盡而漢鼎遂移舉朝且
從而拱手奉之以爲當然矣嗚呼李杜陳寶諸賢固不
足以與於儒者之真也然係於世教則云重矣論古者
慎察黨人功無重黨人罪可也嗟乎光武以崇風節而

中興後嗣以鋤黨人而覆絕也不可鑒哉

漢中王備中山靖王勝之後也與公孫瓚同受學於盧植
逮瓚據青州備往見之瓚表爲平原相後自徐起兵討操
不克乃南依劉表表卒操下荊州備及孫權拒操敗之備
遂有荊州乃西襲劉璋奪益州北定漢中自爲漢中王建
安二十五年曹丕篡漢漢帝廢爲山陽公章武元年漢中
王乃卽皇帝位於成都以諸葛亮爲丞相立宗廟祫祭高
帝以下立夫人吳氏爲皇后子禪爲太子帝自將伐孫權
孫權使諸葛瑾來請和不許孫權降於魏二年帝進軍猇
亭吳陸遜攻猇亭諸軍敗績帝還永安魏主丕伐吳吳主

復使使來脩好許之三年帝崩於永安太子禪卽位使鄧
芝脩好於吳立張氏爲皇后建興元年吳人來聘魏主丕
伐吳不克而還三年丞相亮南征雍闓斬之遂平四郡四
年魏主丕卒子叡嗣五年丞相亮率諸軍出屯漢中以圖
中原六年丞相亮伐魏戰於街亭敗績吳人誘魏曹休敗
之丞相亮出散關圍陳倉殺魏將王雙七年吳主權稱帝
遣陳震使吳及吳主權盟九年丞相亮敗魏司馬懿於鹵
城殺其將張郃十二年丞相亮伐魏屯田於渭濱丞相亮
卒於軍長史楊儀引軍還前軍帥魏延作亂儀擊斬之十
五年皇后張氏崩延熙元年立皇后張氏立子璿爲太子

二年魏主叡卒曹爽司馬懿爲侍中都督中外立其子芳
四年大司馬蔣琬徙屯涪七年魏曹爽寇漢中王平使劉
敏據興勢禦之魏師還十一年大將軍費禕出屯漢中十
二年魏司馬懿殺曹爽魏以司馬懿爲丞相加九錫不受
大將軍姜維伐魏攻雍州魏鄧艾禦之維引軍還十五年
吳主權卒子亮嗣吳師魏師戰於徐塘魏師敗績十六年
盜殺大將軍費禕姜維伐魏圍狄道十七年魏司馬師廢
其后張氏又廢其主芳爲齊王迎高貴鄉公髦立之十八
年魏揚州都督毋邱儉刺並安欽起兵討司馬師不克師
卒弟昭自爲大將軍大將軍姜維伐魏敗魏師於洮西十

九年魏司馬昭始服袞冕赤舄姜維及魏師戰於段谷敗績二十年魏揚州都督諸葛誕起兵討司馬昭昭奉其主髦攻之吳人救之不克而還姜維伐魏魏鄧艾拒之景耀元年魏司馬昭殺諸葛誕遂自爲相國封晉公吳孫綝廢其主亮爲會稽王迎瑯琊王休立之吳主休誅綝三年魏司馬昭弑其主髦迎常道鄉公璜立之五年姜維伐魏洮陽不克炎興元年魏遣鄧艾鍾會將兵入寇關口守將傅僉死之姜維戰敗還守劍閣吳人來援衛將軍諸葛瞻及鄧艾戰於綿竹敗績及其子尚皆死之鄧艾至成都帝出降北地王堪死之漢亡

或問昭烈知有權而不知正朱子曰昭烈見機不明經權俱失當劉琮迎降之際不能取荊州烏在其知權至於狼狽失據乃不得已而出於盜竊之計善用權者正不如此若聲罪致討以大義取之乃是用權之善蓋經自有權權不離經非二物也○人知曹氏爲漢賊不知孫權之爲漢賊也○關羽恃材疎鹵自取其敗

程子曰孔明有王佐之心道則未盡如取劉璋一事聖人豈無成耳此必不可爲也

朱子曰南軒云孔明體大問學未至此語也好但孔明本不知學全是駁雜了然卻有儒者氣象

昭烈於光武伯仲間也孔明則勝鄧禹矣而功業殊者
則時勢異也然魏吳雖皆竊據一方而篡弒相仍惟蜀
漢再傳上下一心君臣輯睦則昭烈之賢而得人孔明
以人事君之效也鄉非後主信任黃皓司馬氏亦安所
得而乘之至於當日之所行則孔明亦多有未盡善者
有儒者氣象亦取其氣象耳孔明又烏得爲儒者也

漢亡之明年魏晉公昭晉爵爲王封故漢帝爲安樂公吳
主休卒兄子皓嗣又明年魏晉王昭卒子炎嗣位遂稱皇
帝而廢魏主璜爲陳留王改元太始其三年立子衷爲太
子禁星氣讖緯之學其五年錄用故漢名臣子孫其六年

安樂公卒其咸寧二年立楊氏爲皇后以后父駿爲車騎將軍明年封功臣四年止天下獻奇技異服五年以匈奴劉淵爲左部帥大舉分道伐吳晉太康元年諸軍並進吳丞相張悌逆戰死之龍驤將軍王濬以舟師入石頭城吳主皓降賜皓爲歸命侯遣使荆揚除吳苛政封平吳功臣罷州郡兵二年遷吳妓妾五千入宮十年以劉淵爲匈奴北部都尉永熙元年武帝崩太子衷卽位立皇后賈氏子遹爲太子元康元年皇后賈氏殺太尉楊駿廢楊太后爲庶人又殺汝南王亮又殺楚王瑋七年將軍周處及氏羌戰敗死之九年孟觀擊氏羌獲齊萬年永康元年賈后

殺太子通趙王倫起兵誅賈后永寧元年趙王倫自稱皇帝遷帝於金墉城殺太孫臧齊王冏等起兵討倫殺之帝復位大安元年立清河王覃爲太子河間王顒使長沙王乂殺齊王冏二年河間王顒成都王穎舉兵反長沙王乂奉帝及穎兵戰於建春門大破之永興元年乂奉帝討顒不克雍州刺史劉沈討顒不克死之穎廢皇后羊氏及太子覃顒表穎爲皇太弟東海王越奉帝征穎復皇后太子帝敗績於蕩陰穎迎帝入鄴越遷東海穎殺東安王繇瑯琊王睿走歸國顒將張方復入京師廢皇后太子劉淵自稱大單于遂稱漢王王浚及東瀛公起兵幽并攻鄴穎奉

帝還洛陽張方以帝詔命太弟穎以成都王還第立豫章王熾爲皇太弟氏李雄據成都稱成王漢寇太原西河光熙元年東海王越以張方劫帝遷長安太宰頡討殺方請和於越不許成都王穎奔長安長史劉輿殺之惠帝崩太弟熾立立梁氏爲皇后永嘉元年立清河王覃弟詮爲皇太子太傅越出鎮許昌以瑯琊王睿鎮建業慕容廆自稱鮮卑大單于二年越殺清河王覃漢寇洛陽張軌使北宮純入徧擊走之漢主淵稱皇帝胡人石勒寇鉅鹿常山四年漢主淵卒子和嗣其弟聰殺而代之漢石勒擊併王如兵遂寇襄陽太傅越率兵討之次於項五年越卒於項石

勒追取其師漢主聰使呼延晏寇洛陽劉曜王彌石勒皆
引兵會之執帝殺太子詮漢兵克長安漢石勒誘王彌殺
之安定太守賈疋馮翊太守索綝奉秦王業入雍城瑯琊
王睿遣紀瞻討石勒於葛陂勒兵退張軌遣兵詣長安賈
疋索綝敗漢師於長安劉曜奔平陽秦王業自雍入長安
疋等奉業爲皇太子赤亭羌姚弋仲東徙榆眉建興元年
漢主聰弒懷帝皇太子業卽位於長安二年石勒奉表於
王浚遂襲浚殺之涼州牧張軌卒子實嗣三年詔進拓拔
猗盧爲代王四年張寶遣兵入援漢劉曜陷北地至涇陽
遂陷長安帝出降吉朗死之丞相睿出師北征明年張寶

遣將韓璞帥師伐漢丞相卽晉王位改元建武漢主聰弒
愍帝大興元年晉王卽皇帝位立子紹爲太子漢主聰卒
子粲立靳準弒粲丞相曜自立石勒討之喬泰靳靳準漢
改號趙二年石勒自稱趙王爲後四年後趙使石虎攻匹
碑執之永昌元年王敦反入據石頭帝以敦爲丞相元帝
崩子紹立太寧元年立皇后庾氏趙主曜攻涼涼張茂降
於趙二年司徒王導督軍討敦敦犯江寧帝親征破之敦
死誅其黨三年明帝崩子衍立咸和二年蘇峻反陷姑孰
庾亮督軍討之宣城內史桓彝起兵赴難三年溫嶠以兵
赴難尙書卞壺討峻戰敗死之庾亮奔潯陽峻兵犯閩溫

嶠以陶侃入討峻峻遷帝於石頭郗鑒王舒赴難峻降宣
城桓彝死之陶侃溫嶠討峻於石頭斬之後趙主勒大破
趙兵於洛陽獲趙主曜以歸殺之

前趙亡

四年諸軍攻石頭

斬蘇逸迎帝還建康五年後趙主勒自稱大趙天王八年
趙遣使來脩好詔焚其幣遼東慕容廆卒子皝嗣後趙主
勒卒子弘嗣涼張駿遣張淳來上表九年以張駿爲大將
軍成主雄卒子班嗣其弟期作亂越殺班而立期後趙丞
相虎廢其主弘自稱居攝趙天王幽弘及其母弑之咸康
元年張駿上疏請北伐二年立皇后杜氏代主翳槐卒弟
什翼犍嗣七年封慕容皝爲燕王八年成帝崩弟瑯琊王

岳立立皇后褚氏建元元年詔議經略中原遣桓宣伐趙
二年桓宣及趙兵戰于丹水敗績康帝崩子聃立齊太后
臨朝稱制永和二年西平公張駿卒子重華嗣自稱假涼
王江州都督桓溫帥師伐漢三年漢主勢降蜀亡四年燕主
皝卒子儁嗣五年趙主虎稱帝卒子世嗣彭城王遵廢世
爲譙王殺之趙蒲洪來降褚裒帥師伐趙不克而還趙石
鑒弑其主遵而自立六年趙石閔殺鑒而自立復姓冉國
號魏蒲洪自稱三秦王改姓苻洪卒子健嗣使人來獻捷
七年苻健自稱天王國號秦八年秦王健稱皇帝姚弋仲
之子襄帥眾來歸詔屯譙城燕滅魏趙亡魏魏殷浩北征屯泗

口罷遣太學生徒燕主僞稱皇帝都鄴九年殷浩使魏憬
襲姚襄襄斬憬遂攻浩於山桑浩敗走譙十年桓溫帥師
伐秦敗秦師於藍田十一年秦主健卒子生嗣十二年桓
溫討姚襄襄奔平陽升平元年秦苻堅弑其主生自立立
皇后何氏四年燕主僞卒子暉嗣五年穆帝崩瑯琊王不
卽位立皇后王氏興宣三年哀帝崩瑯琊王奕立燕陷洛
陽立皇后庾氏太和四年桓溫帥師伐燕秦救燕桓溫敗
還燕慕容垂出奔秦秦使王猛伐燕五年秦主堅伐燕滅
之燕主六年大司馬庾廢帝爲東海王迎會稽王昱立之
改元咸安二年簡文帝崩子昌明立宣康元年桓溫卒皇

太后臨朝三年立皇后王氏太元元年秦使姚萇滅涼

涼亡

秦伐代代主什翼犍奔陰山四年秦寇盱眙監江北軍事

謝元敗走之六年立佛精舍於內殿八年秦苻堅大舉入

寇謝石謝元大破秦兵於淝水秦主堅走還九年慕容垂

叛秦自稱燕王圍秦苻丕於鄴太保謝安使謝元劉牢之

等伐秦復河南至於黎陽秦苻丕請救於元元使劉牢之

救之十年慕容冲稱帝於阿房

燕爲西

燕敗劉牢之於鄴引

還秦姚萇叛自稱後秦西燕主冲攻秦秦主堅奔五將山

子丕守長安後秦主萇使人執弑之秦苻丕稱帝於晉陽

乞伏國仁自稱秦河二州牧

西秦

十一年拓拔珪稱代王燕

主垂稱帝西燕韓延弒其主沖立段隨爲燕王慕容永襲
破段隨棄長安而東後秦主萇取長安稱帝西燕慕容永
擊秦主丕於鄴殺之稱帝秦南安王登自立爲帝伐後秦
拓拔珪改稱魏王十四年呂光自稱三河王十六年秦主
登攻安定後秦主萇擊敗之十八年後秦主萇卒子興嗣
伐秦殺秦主登秦太子崇奔湟中十九年燕主垂攻西燕
執西燕主永殺之涼乾歸殺秦主崇秦主崇自稱西秦王二十
一年燕主垂卒子寶嗣三河王光自稱天王改號涼貴人
張氏弒帝孝武帝子德宗立隆安元年魏主珪攻中山破慕容
麟麟走鄴稱趙王二年南郡公桓元反燕主寶卒長樂

王盛嗣魏主珪稱皇帝三年涼主光卒子紹立庶兄纂弑
而代之孫恩作亂四年孫恩寇會稽討之不克南燕主德
稱帝燉煌李嵩自稱涼公西涼五年涼呂超弑其主纂而立
其兄隆武威利鹿孤稱西河王南涼北涼沮渠蒙遜弑其主
業自稱涼州牧下邳太守劉裕討孫恩於郁州大破之燕
段璣弑其主盛太后丁氏立盛叔父熙討璣殺之元興元
年以尙書令元顯討桓元元顯軍潰桓无入建康殺元顯
孫恩死盧循繼之二年元自爲相國封楚王加九錫楚王
元稱皇帝廢帝爲平固王益州刺史毛璩起兵討元三年
劉裕何無忌劉毅起兵討元元出走劉毅破元於崢嶸州

元挾帝入江陵宣州督護馮遷誅元帝復位義熙元年秦
以鳩摩羅什爲國師帝至建康劉裕都督中外軍事鎮京
口以盧循爲廣州刺史劉裕遣使求和於秦南燕主備德
卒兄子超嗣三年秦赫連勃勃自稱大夏天王禿髮傉檀
稱涼王五年劉裕伐南燕破之魏清河王紹弒魏主珪國
人立齊王嗣六年劉裕執南燕主超送建康殺之

南燕盧
亡

循叛劉裕還師討之七年劉藩討循循奔交州杜慧斬之
十二年秦主興卒子泓嗣劉裕伐秦克洛陽詔高密王恢
之脩謁五陵十三年裕擊魏師於河上大破之遂入秦秦
主泓降執送建康斬之裕還國其子義真守關中夏主勃

勃寇長安十四年太尉裕爲相國封宋公關中亂義真棄
長安夏取之夏主勃勃稱皇帝宋公裕弑安帝奉瑯琊王
德文卽位元熙元年立皇后褚氏二年宋王裕稱皇帝廢
帝爲零陵王晉亡

胡五峯曰桀紂秦政皆窮天下之惡百姓之所同惡故商
周劉漢因天下之心伐而代之魏晉以來莫不假人之柄
而有隙三綱之罪無以締固民心而欲居之安久得乎

晉有天下猶前之魏後之宋齊梁陳也然而國祚稍長
何哉武帝卻奇玩敦仁儉平一海內蓋亦有安民之功
焉而志行三年之喪猶足繫人心根本此晉所以猶愈

於魏乎惟是節義之風至魏晉而盡壞老莊之禍至魏
晉而大張而武帝秉心不終驕泰承之綱淪法教中國
幾何而不羌氏變也北鷄啄惠禍延宗社家國自伐外
患乘之其顛覆不亦宜哉元無匡復之志而自幸於偏
安帝已無父無君安望臣之能臣於我是以江左逆臣
暨無虛日明帝不永延及成穆哀奕至於簡文孝武安
帝終焉雖亦嘗戰勝蜀洛揚威燕秦然要皆強臣之自
樹威名非朝廷之雪讎宗社也夫安上治民莫善於禮
晉實蔑棄禮法上下何以相維倘公卿不尙清談上下
勵精圖政則淵勒亦何從而蠶棄其間故人以郭欽之

疏不行爲晉禍基愚則謂王何之罪已浮實陸沈中國也嗚呼真儒不興而異端之滅人國也可勝道哉

劉裕既代晉改元永初

此庚申歲

立義符爲太子

辛酉

宋主裕弒

晉零陵王

戊戌

宋主裕殂子義符嗣

癸亥

魏築長城魏主嗣卒

子肅嗣魏立天師道場

甲子

宋徐羨之傅亮謝晦廢其主義

符爲營陽王弒之迎宜都王義隆改立之殺廬陵王義真

乙丑

夏主勃勃卒子昌嗣

丙寅

宋下詔暴徐羨之傅亮謝晦罪

誅之謝晦反於江陵檀道濟執誅之宋子劬生夏主昌及

魏主肅戰於統萬夏師敗績魏取統萬

己巳

宋立子劬爲太

子魏襲擊柔然

庚午

宋取河南地於魏魏拔虎牢宋師還魏

滅秦滅夏

癸酉

涼主蒙遜卒子牧犍嗣

甲戌

燕主苻稱藩於魏

乙亥

燕主苻稱藩於宋

丙子

宋殺其司空檀道濟魏滅燕

戊寅

宋

立四學

乙卯

魏滅涼

壬午

魏主詣道壇受符籙

乙酉

宋行元嘉歷

魏詔中書以經義決疑獄

丙戌

宋伐林邑魏誅沙門毀佛像

魏人侵宋

庚寅

宋王元謨帥師伐魏魏主自將禦宋元謨敗

還宋弘農太守柳元景使薛安都大破魏師於陝斬其將

張是連提魏主南侵至於江宋臧質拒之魏師走還宋人

追之不及

辛卯

宋蠲民遭寇者租調魏太子晃卒

壬辰

魏中常

侍宗愛弒其君肅尚書源賀陸鹿誅愛奉皇孫濬卽位宋

伐魏攻碯磣不克

癸巳

宋太子劬弒其君義隆而自立宋江

州刺史武陵王駿舉兵討劬伏誅駿卽位甲午宋立子業爲

太子丙申魏立子弘爲太子己亥宋竟陵王誕反宋主討誅之

甲辰宋主駿殂子子業嗣乙巳魏主濬殂子弘嗣馮太后臨朝

宋鑄二銖錢宋人弑其君子業湘東王彧嗣丙午宋子助稱

帝宋討誅之宋主殺其兄之子十三人立子昱爲太子丁未

魏取宋淮北辛亥魏主弘傳位太子宏自稱太上皇宋作湘

宮寺壬子宋主彧殂子昱嗣甲寅宋以蕭道成爲中領軍丙辰魏

太后弑其主弘復稱制丁巳宋蕭道成弑其君昱而立安成

王準自爲司空錄尚書事己未宋蕭道成爲齊王遂稱皇帝

廢宋主爲汝陰王朱亡

道成代宋改元建元弑宋汝陰王滅其族立其子蹟爲太

子庚申魏師攻齊壽陽不克壬戌齊主道成殂子蹟嗣立子長

懋爲太子癸亥魏始禁同姓爲婚丑魏詔均田庚午魏太后臨

氏殂壬申魏脩堯舜禹周公孔子之祀親行拜禮癸酉齊太子

長懋卒立其孫昭業爲太孫魏立其子恂爲太子齊主蹟

殂孫昭業嗣甲戌齊西昌侯鸞弑其君昭業迎新安王昭文

立之尋廢其主昭文而自立立子寶卷爲太子弑海陵王

昭文魏禁士民胡服魏主伐齊乙亥魏主如魯親祠孔子拜

孔氏二人顏氏四人官魏立國子太學四門小學於洛陽

頒品令賜冠服丙子魏改姓元氏初定族姓齊詔去乘輿金

銀飾魏太子恂有罪廢死除逋亡連坐法

丁丑

魏立子恪爲

太子魏主自將伐齊齊大司馬王敬則反伏誅

己卯

齊主鸞

沮子寶卷嗣魏主宏殂子恪嗣

庚辰

齊雍州刺史蕭衍起兵

襄陽行荊州事蕭穎胄以南康王寶融起兵江陵

辛巳

齊寶

融稱相國廢其君寶卷而自立蕭衍兵東下齊人弑其主

寶卷追廢爲東昏侯蕭衍爲大司馬

壬午

齊蕭衍封梁公晉

爵梁王遂稱皇帝廢齊主爲巴陵王弑之於姑孰

齊亡

梁蕭衍改元天監置謗木肺石定正雅樂立子統爲太子

甲申魏築九城於北邊

乙酉

梁置五經博士立州郡學立孔子

廟丁亥梁曹景宗韋叡大敗魏師於鍾離

戊子

魏立高氏爲皇

后丑魏取梁三關梁主求和於魏魏主不肯魏主親詣佛

書作永明間居寺壬辰魏立子詡為太子乙未魏主恪殂子詡

嗣胡太后臨朝丙申梁淮堰壞魏作永宣寺丁酉梁始以麴為

犧牲庚子魏元乂殺太傅清河王懌幽太后於北宮甲辰魏討

拔陵敗績乙巳魏太后復臨朝誅元乂丙午魏葛榮趨瀛州廣

陽王深引兵躡之榮襲章武王融殺之自稱齊帝梁侵魏

取壽陽丁未葛榮陷魏殷州梁主捨身於同泰寺梁克魏廣

陵魏葛榮圍信都戊申魏太后胡氏弒其主詡而立臨洮王

世子釗魏爾朱榮迎立長樂王子攸執胡太后及釗殺之

魏立爾朱氏為后己酉魏北海王顥來奔梁梁主以顥為魏

外篇道統類 哭 敬業堂

王使陳慶之送之遂取滎城顥稱帝於睢陽城南魏主子

攸出奔顥入洛陽魏爾朱榮奉魏主南還擊顥顥走死梁

主捨身於同泰寺羣臣贖回

庚戌

魏主殺其大將軍爾朱榮

汾州刺史爾朱兆據晉陽立長廣王曄爲帝襲執魏主子

攸弑之兆以高歡統六鎮

辛亥

魏爾朱世隆廢其主曄而立

廣平王恭魏河北大使高乾起兵信都迎高歡梁太子統

卒立子綱爲太子魏冀州刺史高歡起兵討爾朱氏

壬子魏

高歡破爾朱兆誅之遂幽其主恭而立平陽王脩弑閔帝

甲寅

魏陳悅殺雍州刺史賀拔岳魏宇文泰統其軍魏丞相

高歡反魏主脩入長安依宇文泰魏賀拔勝奔梁魏高歡

立清河王世子善見為帝遷都鄴魏分魏宇文泰弑其主

脩立南陽王寶炬為帝於長安丙辰東魏使人聘梁東魏高

歡侵魏魏宇文泰敗之於渭曲戊午東魏圍魏金墉魏宇文

泰救之斬其將高敖曹辛酉魏省官員置屯田頒六條甲子東

魏以高澄為大將軍丙寅東魏高歡伐魏不克丁卯東魏高歡

卒東魏侯景以河南降魏復降於梁梁以景為河南王梁

伐東魏東魏高澄幽其主善見於宮中戊辰東魏求成於梁

梁侯景反立臨賀王正德為帝己巳梁主衍以侯景為大丞

相景圍臺城梁主衍殂子綱嗣侯景殺正德梁永安侯確

討景不克東魏蘭京殺高澄高洋討誅之梁始興太守陳

里梁末外篇道統類 吳 文義堂

霸先起兵討侯景

庚午

東魏封高洋為齊王齊王洋廢東魏

主善見自稱皇帝

改國號齊東魏亡

侯景自稱漢王魏初作府兵

辛未魏主寶炬殂子欽嗣齊以梁湘東王繹為梁相侯景廢

梁主綱而立豫章王棟侯景弑梁主綱又廢棟自稱漢帝

齊主洋弑其主善見

壬申

梁湘東王繹及王僧辨陳霸先討

侯景敗之誅景湘東王卽位

甲戌

魏作九命九秩之典魏宇

文泰廢魏主欽立其弟齊王廓復姓拓拔梁主講老子於

龍光殿魏遣于謹帥師伐梁入江陵執梁主繹殺之立蕭

譽為梁王

乙亥

梁王譽稱帝於江陵稱臣於魏梁廣州刺史

王琳救梁不及次於長沙伐後梁

晉為後梁

梁晉安王方智卽

梁王位以王僧辨都督中外加陳霸先征西大將軍齊人
納貞陽侯淵明於梁僧辨立淵明爲帝以晉安王爲太子
霸先襲僧辨殺之淵明遜位晉安王方智稱帝請藩於齊
丙魏建六官梁霸先自爲丞相魏宇文泰卒子覺嗣魏以
覺爲周公宇文護以魏主廓詔禪於周宇文覺稱帝魏宇文
文護爲大司馬丁丑周宇文護弑其主廓梁陳霸先自爲相
國封陳公周宇文護弑其君覺而立宣都公毓梁陳公霸
先稱王遂稱帝廢梁主方智爲江陰王弑之梁亡

陳霸先旣代梁故梁臣王琳及陳人戰敗之遂克江州戊寅

齊納梁永嘉王莊於梁軍王琳奉莊稱帝陳主捨身於大

莊嚴寺

己卯

齊主洋殂子殷嗣陳主霸先殂兄子蒨嗣

庚辰梁

相琳伐陳敗績奉梁主莊奔齊周冢宰護弑其君毓弟邕

立齊太后廢齊主殷為濟南王而立常山王演

辛巳

齊主弒

濟南王殷齊主演殂弟湛立廢太子百年為樂陵王殺之

壬午

後梁主晉殂子歸嗣

癸未

周主養老於太學

甲申

周初令百

官執笏

乙酉

齊主湛禪位於太子緯

丙戌

陳主蒨殂子伯宗嗣

戊子

陳安成王頊廢其主伯宗為臨海王齊主湛殂

己丑

陳頊

自立

壬辰

周主討宇文護誅之

癸巳

陳攻齊壽陽克之取徐州

甲午

周廢佛道教毀淫祠立通道觀以壹聖賢之教

丙申

周主

伐齊克晉州

丁酉

周執齊主緯

戊戌

周頒刑書

戊戌

周主邕殂子

贊嗣周立后楊氏以楊堅爲大司馬己亥周主贊傳位於太

子闔自稱天元皇帝庚子周主贊殂隋公楊堅自爲大丞相

辛丑隋楊堅稱皇帝廢周主於別宮周亡隋立后獨孤氏立子

勇爲太子滅宇文氏之族弑其主闔定服色行新律壬寅陳

主項殂子叔寶嗣癸卯隋詔求遺書乙巳後梁主歸殂子琮嗣

隋長孫平置義倉丁未隋徵梁主入朝廢梁國賜琮爲莒公

陳主自賣於佛寺爲奴隋遣晉王廣及楊素韓擒虎賀若

弼伐陳己酉隋開皇九年滅陳獲陳主叔寶陳亡

置鄉正里長詔毀兵仗定雅樂二十年廢太子勇爲庶人

立晉王廣爲太子仁壽三年龍門玉通獻策不報四年太

理學逢源
卷之十一
外篇道統類
至
敬業堂

子廣弑文帝而自立殺故太子勇大業元年立皇后蕭氏立晉王昭爲太子命楊素營東都宮室築西苑帝如江都二年還東京太子昭卒始立進士科楊素卒置洛口回洛倉三年帝北巡築長城命裴矩經略西域四年營汾陽宮五年禁民間兵器帝巡河右擊吐谷渾不克置西海諸郡六年諸蕃來朝陳百戲於端門以示之七年帝自將擊高麗王薄張金稱高士達竇建德等兵起八年遣諸軍分道擊高麗帝還東都九年帝復自將擊高麗命越王侗留守東都楚公楊元感起兵黎陽圍東都帝引軍還元感趨潼關宇文述追之元感敗死以唐公李淵爲弘化郡留守十

年高麗乞降帝還西京十一年帝巡北塞突厥始畢攻鴈
門帝還東都十二年作毘陵宮帝如江都越王侗留守翟
讓李密起兵攻滎陽張須陀擊之須陀敗死鄴陽林士弘
稱楚帝據江南以李淵爲太原留守王威高君雅副之李
淵子世民擊甄翟兒破之楊義臣擊張金稱高士達斬之
竇建德收其眾取饒陽十三年杜伏威據厯陽劉武周殺
馬邑守王仁恭自稱太守附於突厥竇建德稱長樂王翟
讓李密據興洛倉李密稱魏公取河南諸郡薛舉據隴西
稱西秦霸王李淵起兵太原殺副留守王威高君雅李淵
遣使如突厥蕭銑據巴陵自稱梁王李淵克長安與民約

法十二條除隋苛禁迎代主侑卽帝位遙尊煬帝爲太上

皇淵自爲大丞相封唐王明年戊寅宇文化及弑其君廣於

江都立秦王浩梁王統稱帝徙江陵隋主侑禪位於唐王

李淵唐王李淵稱帝隋亡

南北朝此何時也然而定國典者國有其人興學校者

代書其事此亦人心之所爲不死與南之宋明北之魏

文周武亦有志爲治之君哉然而或不令終不易世而

敗於塗地何也揆其所以得國之由篡奪相仍誅夷殺

戮殃咎之餘雖有賢者烏能善後而晉以老莊梁陳以

佛至於滅亡終以不悟則惑於福利以諂鬼神而民謏

亡矣周主雖能攘斥佛老以尊儒術然未得儒之所以
爲儒君子反經而已矣當日之經其本身加民者何如
此固未可望之拓拔宇文也雖然周禮命官之法均田
府兵之制皆自周隋得之以開有唐一代之治也斯亦
所謂蠱而元亨終則有始與獨不得舜禹武周爲撥亂
反正之君臣則所爲讀史而三歎也

唐主改元武德是年也隋越王侗稱皇帝王世充輔之唐
初定律令置學校立子建成爲太子世民爲秦王元吉爲
齊王廢隋帝爲酈國公而選用其宗室魏公密敗宇文化
及於黎陽奉表降隋秦主薛舉卒子仁果嗣唐立李軌爲

涼王魏公密與隋戰敗遂以其眾降唐唐行戊寅歷隋宇
文化及弑其君浩自稱許帝朱粲自稱楚帝唐世民破秦
圍折塢秦主仁果降其二年王世充稱鄭帝弑其主侗唐
初定租庸調法劉武周取唐并州元吉奔長安三年唐世
民擊武周敗之武周走突厥唐立老子廟唐世民伐鄭世
充其四年夏王建德救鄭唐世民破擒之鄭世充降唐初
行開通元寶錢建德部將劉黑闥起兵漳南陷冀州取相
黎魏諸州唐使子世民元吉討之唐以世民爲天策上將
開府唐遣李孝恭李靖伐梁梁主銑降其五年劉黑闥自
稱漢東王唐世民擊破之黑闥奔突厥突厥頡利寇唐并

州唐元吉擊黑闥淮陽王道元戰敗死唐遣太子建成擊黑闥黑闥遁走六年黑闥臣諸葛德威執黑闥以降斬之武德七年命州置大中正一人詔諸州舉明經州縣及鄉皆置學帝詣國子學釋奠於先聖先師初定官制定均田租庸調法八年突厥入寇秦王世民將兵禦之突厥受盟而還九年祖孝孫定雅樂汰僧道秦王世民殺太子建成齊王元吉乃立世民爲太子以魏徵王珪爲御史大夫縱禁苑鷹犬罷四方貢獻帝傳位太子世民卽皇帝位放宮女三千餘人立長孫氏爲皇后突厥入寇帝自禦之突厥請盟而退置弘文館立子承乾爲太子貞觀元年制諫官

隨宰相入閣議事分天下爲十道皇后帥內外命婦親蠶
命京官五品以上更宿中書內省嶺南酋長馮盎遣子入
朝三年耕藉東郊遣李靖等出擊突厥突利入朝韃靼遣
使入貢蠻酋謝元深等來朝四年李靖破突厥於陰山張
寶相擒頡利林邑入貢五年詔議封建不果行六年羣臣
請封禪不許七年造渾天儀赦死囚三百九十人帝奉太
上皇置酒未央宮九年太上皇高祖崩十年長孫后崩朱
俱波甘棠遣使入貢定府兵十一年詔行新禮以武氏爲
才人十四年帝詣學釋奠侯君集滅高昌十五年以文成
公主嫁吐蕃命呂才刊定陰陽雜書十七年太子承乾謀

反廢爲庶人立晉王治爲太子貶魏王泰爲東萊郡王十八年帝詔親征高麗十九年師還二十年帝還京師二十一年骨利幹入貢二十二年結骨侯利發入朝二十三年太宗崩子治立永徽元年立王氏爲皇后三年立子忠爲太子四年房遺愛及高陽公主謀反伏誅五年以太宗才人武氏爲昭儀六年廢王皇后爲庶人立武氏爲后顯慶元年廢太子忠爲梁王立子弘爲太子五年初令皇后決百司奏事麟德二年行麟德歷帝封泰山乾封元年帝過曲阜祠孔子至雩祭老君爲太上元元皇帝二年耕藉田總章元年李勣亡高麗二年定銓注法

取人以身
言書判法

上元元

年帝稱天皇后稱天后二年天后祀先蠶太子弘卒立子賢爲太子儀鳳三年百官四夷朝天后于光順門永隆元年廢太子賢爲庶人立子哲爲太子永淳元年立孫重照爲太孫弘道元年高宗崩子顯立即哲皇太后決事嗣聖元年立韋氏爲皇后太后廢帝爲廬陵王立豫王旦改元太文明太后改元易服色官名改元光宅立武氏七廟英公李敬業起兵揚州太后遣李孝逸擊之二年帝在均州太后遷帝於房州太后以僧懷義爲白馬寺主三年太后置銅匱受密奏五年太后毀乾元殿作明堂河南巡撫大使狄仁傑奏焚淫祠瑯琊王沖越王貞舉兵匡復不克而死太后遂大殺

唐宗室六年

永昌元

太后以僧懷義爲新平道大總管討突

厥改用周子正自改名墾七年改國號周以豫王旦爲太子改姓武十一年周明堂火十三年周以張昌宗爲常侍以張易之爲少卿十五年帝還東都周以狄仁傑爲納言十六年帝在東宮神龍元年張柬之崔元暉敬暉桓彥範袁恕已舉兵討武氏之亂誅易之昌宗帝復位復國號唐封敬暉等五人爲王罷其政武后崩二年貶敬暉五王爲遠州司馬立重俊爲太子武三思殺五王景龍元年太子重俊起兵誅武三思崇訓不克死二年張仁愿築三受降城置脩文館學士始用斜封墨敕除官四年韋后弒中宗

於神龍殿立溫王重茂臨淄王隆基起兵討韋氏誅其黨
相王旦卽位廢重茂爲溫王立隆基爲太子罷斜封官景
雲二年復斜封官太極元年帝傳位太子太子卽位立妃
王氏爲皇后開元元年太平公主謀逆伏誅以宦者高力
士爲監門將軍二年置左右教坊焚珠玉錦繡出宮人立
嗣謙爲太子三年置侍讀官四年太上皇睿宗崩五年太
廟四室壞復舊官名令史官隨宰相入侍羣臣對仗奏事
六年行鄉飲酒禮十年安南亂內宦楊思勗討平之始募
兵充宿衛十一年置麗正書院十二年廢皇后王氏十三
年改命長從宿衛曰彊騎作水運渾天儀封泰山幸孔子

宅十四年脩五禮十六年行大衍歷以生日爲千秋節十九年立太公廟二十一年分天下爲十五道二十二年以方士張果爲光祿大夫二十四年太子改名瑛二十五年立明經問義進士試經法廢太子瑛殺之二十六年立子瑛爲太子改名亨二十七年追謚孔子爲文宣王二十九年得元元皇帝像以安祿山爲營州都督天寶元年以祿山爲平盧節度使三載祿山兼范陽節度使四載以壽王妃楊太眞爲貴妃七載以高力士爲驃騎大將軍十載祿山兼河東節度使十四載安祿山反使封常清禦之敗績祿山陷東京平原太守顏真卿起兵討賊十五載祿山稱

燕帝郭子儀李光弼討賊河北破之賊入關帝奔蜀誅楊貴妃及國忠留太子東討賊太子卽位於靈武改元至德尊帝爲太上皇子儀光弼至靈武回紇吐蕃入助討賊制諫官言事勿白宰相永王璘反上皇命高適討之至德二載安慶緒殺安祿山帝殺子俛史思明寇太原李光弼擊破之帝至鳳翔副元帥郭子儀及賊戰於清溝敗績賊將尹子奇寇睢陽廣平王俶郭子儀收復西京尹子奇陷睢陽張巡許遠死之廣平王俶郭子儀收復東京帝入西京迎上皇還西京以良姊張氏爲淑妃史思明高秀巖各以所部來降乾元元年立張氏爲皇后立子俶爲太子

更名
豫

史思明反命郭子儀等討安慶緒以宦官魚朝恩爲勸軍
容使李懷玉殺平盧節度使王元志之子而推侯希逸帝
遂以侯希逸爲平盧節度使二年史思明自稱燕王王師
潰於相州史思明殺安慶緒僭稱燕帝帝制停口敕處分
李光弼敗史思明於河陽上元元年思明入東京李輔國
遷上皇於西內二年李光弼敗績於邙山史朝義殺史思
明寶應元年上皇元宗崩命太子監國肅宗崩李輔國弑
張后太子豫立以宦者李輔國爲司空以宦官程元振爲
驃騎大將軍回紇入援以子适爲元帥討史朝義敗之復
東京盜殺李輔國廣德元年李懷仙追史朝義誅之以安

史降將爲河北諸鎮節度使吐蕃入寇帝如陝州郭子儀
擊走之帝還長安二年立子适爲太子僕固懷恩反寇太
原始稅青苗僕固懷恩引回紇吐蕃入寇郭子儀鎮奉天
虜遁去永泰元年講仁王經僕固懷恩復引回紇吐蕃入
寇懷恩道死郭子儀屯涇陽回紇受盟吐蕃夜遁大厯元
年釋奠於國學十年魏博田承嗣反十四年代宗崩太子
适立諒闇詔天下毋得奏祥瑞縱馴象出宮女遣使勞淄
青將士減貢獻罷榷酒詔財賦復歸左藏立子誦爲太子
建中元年始作兩稅法二年魏博田悅寇邢洛詔馬燧李
抱真李晟討田悅破之三年盧龍朱滔成德王武俊反救

田悅寇趙

先是李惟岳反王武俊殺之以降至是武俊遂據成德

詔李懷光討之括

富商錢朱滔田悅王武俊李納皆自稱王李希烈稱都元

帥

李納淄青希烈淮西

四年李希烈陷汝州詔顏真卿宣慰之初稅

間架除陌錢希烈寇襄城詔發涇原兵救之涇原兵亂於

京師帝如奉天朱泚反據長安稱秦帝李懷光率眾赴長

安泚犯奉天詔韓游瓌渾瑊拒之李晟將兵入援渾瑊擊朱

泚破之懷光至奉天帝命之取長安興元元年李希烈僭

稱楚帝李懷光反帝奔梁州李抱真會王武俊破朱滔於

貝州李晟復京師朱泚伏誅帝還長安李希烈殺顏真卿

以宦者竇文場監禁旅貞元元年馬燧平河中懷光死二年

陳仙奇殺李希烈以降吳少誠殺仙奇復府兵不果李晟
敗吐蕃於汧州三年使渾瑊及吐蕃盟於平涼吐蕃却盟
吐蕃屯原州九年初稅茶十年雲南擊吐蕃大破之遣使
獻捷十三年以宦者爲宮市使二十年太子有疾二十
一年德宗崩子誦立罷進奉宮市五坊小兒大赦立子純爲
太子帝傳位太子自稱太上皇子純卽位元和元年太上
皇順宗崩劉闢以蜀反使高崇文討之擒闢誅之二年鎮
海李錡反詔發兵討之錡伏誅四年立子宣爲太子八年
魏博田興歸命賜名弘正九年淮西吳少陽卒子元濟拒
命詔李光顏等督兵討之十年使中丞裴度宣慰淮西行

營十二年唐鄆節度使李愬夜襲蔡州擒元濟歸於京師
十三年淄青李師道請納質獻地成德王承宗納質請吏
獻地范陽劉總歸命李師道違命詔宣武魏博諸道討之
以方士柳泌爲台州刺史十四年迎佛骨至京師貶韓愈
爲潮州刺史平盧將劉悟執李師道斬之十五年憲宗暴
崩子恆立承宗卒詔以田弘正爲成德節度使長慶元年
王庭湊殺田弘正命田布將魏博討之二年遣韓愈宣慰
王庭湊四年穆宗崩子湛立擊毬於中和殿寶曆二年宦
官劉克明弑敬宗而立絳王悟宦官王守澄誅克明立江
王涵出宮人放鷹犬省冗食罷別貯宣索太和二年親策

制舉人劉蕡對切直黜之六年立子永爲太子九年以宦
官仇士良爲神策中尉殺王守澄李訓舒元興鄭注謀誅
宦官不克仇士良殺訓注元興及王涯賈餗開成三年太
子永卒四年立敬宗子成美爲太子五年仇士良廢成美
立穎王弟瀍爲太弟文宗崩弟瀍殺成美而卽位會昌元
年詔天下僧尼歸俗昭義劉從諫卒子稹請留後詔王元
逵何弘敬討之築望仙觀於禁中內監仇士良致仕四年
以趙歸眞爲道門教授先生郭誼殺劉稹以降併誅郭誼
六年立光王忱爲太叔武宗崩太叔忱立大中三年克復
河湟十一年迎道士軒轅集於羅浮山十三年宣宗崩子

灌立咸通元年浙東賊裘甫亂王式討平之九年桂州戍

卒作亂龐勛率之康承訓朱邪赤心討平之

赤心賜姓名李國昌十

四年遣使迎佛骨懿宗崩子儼立乾符元年濮人王仙芝作亂二年以田令孜爲中尉冤句人黃巢應仙芝掠山東

五年大同軍亂殺段文楚推李克用留後招討使曾元裕

破王仙芝斬之六年黃巢轉陷廣州廣明元年黃巢入長

安帝走興元黃巢稱齊帝鳳翔帥鄭畋起兵討賊義成帥

王處存帥師入援中和元年帝幸蜀赦李克用

國昌之子召之

忠武監軍楊復光復鄧州二年巢將朱溫以華州降

賜名全忠

三年克用破黃巢克復長安四年黃巢趨汴克用追大破

之巢伏誅朱全忠襲克用克用走晉陽詔和解之光啓元年帝遣京師李克用請誅宦者田令孜詔和解之克用犯長安帝如鳳翔二年克用還河中三年削令孜官文德元年以楊行密爲淮南留後僖宗崩宦者楊復恭立壽王傑爲太弟嗣位龍紀元年以張濬討克用不克二年王建自稱西川留後景福二年王建殺陳敬瑄田令孜李茂貞據岐帝以覃王嗣周討之不克乾寧元年楊復恭伏誅二年王行瑜李茂貞韓建舉兵犯闕李克用討之行瑜伏誅以克用爲晉王三年李茂貞復犯闕帝如華州克用入援四年立子裕爲太子韓建劉季述殺通王滋等十一人王審

知自稱福建留後光化元年帝還京師三年中尉劉季述
幽帝於少陽院而立太子裕天復元年孫德昭等討季述
誅之帝復位廢子裕爲德王鳳翔李茂貞入朝封岐王平
章崔允召朱全忠以兵入朝韓全誨劫帝如鳳翔二年全
忠侵晉全忠攻鳳翔帝使人諭和平盧帥王師範兵討全
忠帝誅韓全誨歸長安天祐元年全忠以帝遷洛陽李茂
貞王建李繼徽討全忠不克全忠弑昭宗立輝王祝天祐
二年全忠殺德王裕等九人殺裴樞等三十餘人投之黃
河吳王行密卒子渥嗣四年唐奉冊寶如梁梁全忠稱皇
帝改名以唐帝爲濟陰王改元開平淮南西川移檄興復

唐室梁以錢鏐爲吳越王以高季昌爲荆南節度使以馬殷爲楚王以劉隱爲南海王蜀王王建稱帝契丹始建國或問貞觀之治不幾於三代之盛乎程子曰關雎麟趾之意安在

朱子曰漢高取天下卻正當直截做去無許多委曲唐初隋大亂如此高祖太宗因羣盜之起直截做去只是誅獨夫爲他心中打不過又立恭帝假援回護委曲如此亦何必爾所以不及漢也○漢高私意分數少唐太宗一切假仁借義以行其私

程子曰秦以反道暴政亡漢興尙德行崇經術鑒前失也

學士大夫雖未必知道然背理甚者亦鮮矣故賊莽之時
多仗節死義之士世祖興而褒尙之勢當然也節久而苦
視死如歸而不明乎理義之中也故魏晉一變而爲曠蕩
浮虛之習人紀不立相胥爲夷五胡亂華行之弊也陰極
則陽生亂極則治形隋驅除之唐混一之理不可易也唐
室三綱不立自太宗啓之故後世雖子弟不用父兄之命
元宗使其子篡肅宗使其弟反選武才人以刺王妃入也
納壽王妃以武才人進也終唐之世吐蕃回紇爲中國患
而藩鎮陵犯卒以亡唐及乎五季之甚人爲而致也

呂東萊曰自古三代之季只是一變其罪皆由商鞅雖漢

文帝唐太宗出來扶持天下然此骨子終不換得井田最先壞其次封建其他亦未盡壞府兵尙存古制及張說方壞盡兩稅壞於楊炎自然有此等人來

問唐宦官與漢末如何朱子曰唐時天下尙可爲猶有餘策漢末直是無著手處且是無主了

劉元城曰前世已然之事有眞朋黨而不能去亦有非朋黨而不能辨者此實治亂消長之機不可不察也東漢之衰姦人先以黨事誅戮禁錮天下賢者而在朝皆小人也此所謂非朋黨而不能辨者也唐季牛李之徒迭進相毀巧相傾覆而善人君子廢斥無餘其所用者皆庸鄙不肖

此所謂眞朋黨而不能去者也

唐起河東入據長安得天下之勝勢而其時王竇薛劉皆非唐敵加以太宗之英武其取天下如發蒙振籥不足異也入關約法與漢略同而必立隋恭假之授禪其循襲六朝之弊而不明大義邪高祖亦庸材非太宗不能行天下然太宗所以使高祖有天下者則詭譎行於父子其罪不勝誅矣兄弟喋血刺妃生子五倫之道皆自太宗亂之其異於前之六朝後之五季者蓋幾希焉而天后革唐太眞肇亂肅宗纂父魏泰圖兄外裔侵陵諸藩跋扈甚之而宦豎持太阿矚盜窺神器又何誅乎

唐之盛也聲靈振於窮髮纖塵靜於日中斗米三錢囿
圖幾空非不治矣歷年三百傳世二十非不永矣迹其
所以致治之由誠以承隋之烈飢者甘食渴者甘飲而
依附仁義以少收一日之功又均田府兵則因周隋之
舊而潤色之猶有得先王遺意然而大綱不正根本已
失以是一敗塗地而天寶乾元以後無以復收代爲姑
息之仁德以儆察之智慧雖英武而小器易盈惑於方
士武宣而下不足言矣武雖能抑釋氏宣雖能靖奄寺
而仙術獨非異端邪宣沒而廢立乃出奄人之手銀鐔
畫地之羞白馬清流之禍唐之宗社遂以是灰矣君無

以立表於上臣鮮以承風於下終唐之世無真儒焉朱
晃攘大器廷臣拱而奉之求有漢末黨人之風而不可
得不亦可羞也乎

梁篡唐之二年

戊辰

晉王克用卒子存勗嗣梁主晃弑濟陰

王晉師破梁夾寨淮南張顥弑弘農王渥立其弟隆演

己巳

梁遷於洛陽梁以王審知爲閩王

辛未

晉王伐梁梁南平王

劉隱卒弟巖嗣燕王劉守光囚其父稱帝

壬申

梁主之子友

珪弑其主晃而自立

癸酉

梁均王友貞起兵討賊友珪伏誅

友貞卽位於大梁晉王入幽州執劉仁恭及守光以歸誅

之

刻梁劉鄩攻晉不克

丁丑

契丹圍晉幽州晉王使李嗣源

救之劉巖自稱越帝

戊寅

蜀主建卒子宗衍嗣晉王伐梁

己卯

吳隆演建國改元

庚辰

吳主隆演卒弟溥立

壬午

唐張承業卒

癸未

晉王存勗稱帝國號唐唐主入梁梁主瑱

即友貞

自殺梁

亡

唐主都洛陽

甲申

祀南郊立劉氏爲后

乙酉

唐師滅蜀閬王審

知卒子延翰嗣

丙戌

唐李繼岌殺郭崇韜以孟知祥節度西

川唐伶人郭從謙弒其君存勗李嗣源入洛陽稱帝初令

百官轉對王延翰自稱閬王

丁亥

唐郭從謙伏誅

戊子

荆南高

季興卒吳立其子從誨

庚寅

唐董璋孟知祥據蜀叛楚主殷

卒子希聲嗣

壬辰

唐初刻九經版賣之吳越主鏐卒子元璵

嗣楚希聲卒弟希範嗣唐以石敬瑭爲河東節度使已關

主延鈞稱帝更名唐以孟知祥爲蜀王唐主亶殂源子

從厚立甲唐潞王從珂至長安唐主使康義誠拒之從珂

入洛陽廢其主從厚爲鄂王而自立尋復弑之丙唐以石

敬瑭爲天平節度使敬瑭拒命唐發兵討之契丹德光救

敬瑭敗唐師契丹立石敬瑭爲晉皇帝唐主從珂自焚死

唐亡

晉主入洛陽丁遷汴吳主溥禪位於其臣徐知誥齊王知

誥稱帝改國號唐契丹改號遼庚晉以閩主曦爲閩王辛

南唐遣使如晉晉成德帥安重榮執契丹行人上表請伐

里學逢原卷之十 外篇道統類 癸 敬業堂

契丹晉以劉智遠為北京留守

壬寅

晉主敬瑭殂兄子重貴

立

癸卯

唐主昇殂

即知諱

子璟嗣閩主延政稱殷帝漢宏熙弒

其主玠而自立

甲辰

契丹陷貝州閩朱文進弒其主贓而自

立

乙巳

晉遣使如契丹殷亡

丙午

契丹以重貴為負義侯

丁未

貴以歸晉亡

劉智遠稱帝於晉陽羣盜起契丹引還晉劉智遠以其弟

崇為太原尹遼主耶律德光死於殺胡林晉主智遠入大

梁改國號漢

戊申

漢主昺殂

即智遠

子承祐立以郭威為西面

招慰安撫使

戊戌

漢主殺其臣楊邠史弘肇王章遣使殺郭

威不克威舉兵反弒其主承祐漢李太后詔迎劉贊於徐

州遼人入寇太后命郭威帥師擊之至澶州自立為帝而

還奉漢太后為母廢贊為湘陰公辛亥郭威改國號周漢亡

周主威弑漢湘陰公贊漢河東帥劉崇稱帝於晉陽漢故

將輦廷美舉兵徐州周罷四方貢獻珍食詔百官上封事

毀漢宮寶器壬子周主如曲阜謁孔子廟癸丑周罷戶部營田

務除租牛課甲寅周主威殂晉王榮嗣周主榮自將及漢戰

於高平北漢主旻殂即子鈞嗣乙卯周毀佛像鑄錢丙辰周主

親征淮南唐主割地請和不許周立二稅起徵限丁巳周主

之父柴守禮犯法周主不問周取唐濠泗南漢遣使如周

不至戊午周主破唐師於江唐獻江北地周主罷兵還唐主

外篇道統類 奎

去帝號更名景南漢主晟殂子鋹嗣周遣使如吳越周使
人均定境內田租己周作律準定大樂周主伐契丹取關
南地有疾而還唐城金陵周以趙匡尤爲殿前都檢點周
主榮殂子宗訓立庚周使趙匡尤帥師禦北漢至陳橋自
立而還入汴周主宗訓禪位於匡尤匡尤稱皇帝國號宋
改元建隆奉周主爲鄭王符太后爲周太后周亡

梁朱晃以盜賊竊據大物負乘致寇隕命於嗣覆宗於
讎所謂天福淫人乃所以稔其惡而殲之者與朱邪氏
忠於唐室而蔽障於姦此三矢所爲發憤也莊宗克承
先志宜乎享國永年乃大惡未鋤先謀自據母乃傷父

心而不及唐家一老奴之忠義矣況又狎比羣小以失
眾心於人心習亂之日乎邈佶烈爲眾所推有憂天下
之憂無樂天下之樂雖行事不能盡善其公心爲不可
及也何乃身死國亂豈沙陀之未厭天心而大命固有
在耶石氏藉他人之力以得己志亦已羞矣復背之而
自速滅亡斯何足論曷旣乘間竊位復藉言於不忘舊
君是何異掩耳盜鈴得無所以得之之道失自不旋踵
而失之不惟承祐之誅鋤楊史爲有以速雀兒之飛入
也周祖開國規模爲差有異於晉漢世宗具有爲之資
國事庶幾就理雖少含洪之意要亦季世之賢君乎何

乃不克承年祚終歸宋意者天欲開一代之治必有爲
之先兆者邪周隋治有次第而唐因之郭柴肇有先基
而宋藉之始信天運循環復不待復之日而純坤之日
已自有來復之機乃天理之常存而人心之不死也

宋之建隆元年遣使分賑諸州立太廟追帝其祖考

高祖
號爲

僖祖曾祖挺爲順祖祖敬
爲翼祖考引殷爲宣祖

親視國學尊其母杜氏爲太后

周昭義軍帥李筠會北漢伐宋宋主自將圍澤州克其城
李筠死之宋以大梁爲東京以洛陽爲西京遷周六廟於
洛陽以時祀之立王氏爲皇后宋淮南帥李重進謀反討
平之唐世子從鎰來朝其二年宋度民田遣使監收民租

宋太后杜氏崩宋釋諸將兵權唐主景殂于煜嗣其三年
命州縣勸課農桑廣汴城詔常參官轉對令大辟諸州不
得專決宋主匡允遷其舊主宗訓於房州其乾德元年初
以文臣知州事置諸州通判行應天厯置義倉於州縣北
漢以契丹攻宋平晉宋郭進卻之其二年宋頒刑統蜀約
北漢侵宋宋遣王全斌等伐蜀宋和峴改定雅樂其三年
宋師滅蜀蜀主孟昶降宋兩川軍亂撫定之宋置封樁庫
其四年以孔宜爲曲阜主簿詔求遺書其開寶元年立宋
氏爲后王后北漢主鈞殂子繼恩嗣其二年宋伐北漢敗
漢師於城下逆敗遼師於陽曲引師還詔脩前朝諸陵被

盜發者宋潘美帥師伐南漢四年南漢主鋐降唐主貶國
號江南遣使朝貢六年鄭王宗訓卒追諡爲恭帝七年宋
使曹彬帥師伐江南宋始脩日厯八年詔察民孝弟力田
奇材異行者江南主煜降其九年宋太祖崩弟光義卽位
改名詔諸道轉運使糾察官吏罷河東兵太平興國二年

置江南榷茶場三年立崇文院吳越王錢俶以其地來歸
以孔宜襲封文宣公四年使潘美等帥師伐北漢新渾儀
成帝自將伐漢漢主繼元降帝遂伐遼不克而還太祖子
德昭自殺五年定差役法遼主入寇帝自將禦之七年定
難帥李繼捧入朝獻銀夏綏宥四州其弟繼遷叛走遼主

賢卒子隆緒嗣其母蕭后專國事復號契丹雍熙元年詔
求遺書帝弟廷美以憂卒立李氏爲皇后二年李繼遷襲
據銀州廢長子元佐爲庶人三年曹彬等伐契丹敗績契
丹入寇知代州張齊賢大敗之端拱元年帝耕籍田命李
繼捧鎮夏州二年契丹陷易州作開寶塔尹繼倫大敗契
丹於徐河淳化二年李繼遷降以爲銀州觀察使李繼捧
降於契丹五年亂民李順陷成都宦者王繼恩帥師討平
之置起居院以子元侃爲開封尹至道元年開寶皇后宋
氏崩立子元侃爲太子三年分天下州軍爲十五路太宗
崩太子恆立

卽元侃也

立郭氏爲皇后追尊生母李氏爲太后

李繼遷請降復其官爵咸平元年除諸路逋負二年置侍

讀侍講官契丹入寇瀛州帝自將禦之次於大名契丹還

追敗之五年趙保吉陷靈州

卽李繼遷

六年趙保吉死子德明

嗣景德元年李太后崩契丹大舉入寇使人來議和使曹

利用報之契丹寇澶州帝自將禦之契丹請盟而還二年

歸幣於契丹契丹來聘四年郭皇后崩大中祥符元年有

天書見於承天門王欽若得天書於泰山羣臣上帝尊號

曰崇文廣武儀天尊道寶應章感聖明仁孝皇帝

作玉清昭應宮帝封泰山禪社

首大赦帝如曲阜二年太子受益生四年帝祭后土於汾

陰詔州城作孔子廟五年聖祖降於延恩殿

聖祖趙玄朗

改諡

孔子爲文宣王立劉氏爲后六年禁內臣出使毋干預公

事除農器稅獻天書於朝元殿七年帝如亳謁老子於太

清宮戶部獻天下民數八年始賜信州道士張正隨號眞

靜先生漢張道陵之後曹瑋敗吐蕃於伏羌砦天禧二年立子受

益爲太子更名三年寇準得天書於乾祐山乾興元年眞

宗崩太子禎立劉太后聽政天聖元年行崇天厯置益州

麥子務二年帝臨國學謁孔子立皇后郭氏七年復六科

前賢良方正六科并增置書算拔萃科及高蹈邱園沉淪草澤茂材異等三科給契丹流民田八

年賜信州道士張乾曜號澄素先生初置武舉九年契丹

主隆緒卒子宗眞嗣其母蕭氏聽政蕭太后殂契丹主終

里學奎原卷之十一 外篇道統類 三 敬業堂

喪三年明道元年眞宗宸妃李氏卒

仁宗生母

夏主德明殂子

元昊嗣契丹以李元昊爲夏王二年太后有事於太廟劉太后崩追尊生母李氏爲皇太后詔宰相母得進用臺官廢皇后郭氏景祐元年趙元昊寇環慶立曹氏爲皇后二年育宗室允讓子宗實於宮中命李照重定雅樂作親睦宅故后郭氏暴卒竄內侍間文應於嶺南寶元元年趙元昊僭稱帝國號夏二年夏入寇保安狄青擊敗之三年夏入寇延州除越職言事之禁夏陷塞門寇三川任福攻夏白豹城克之种世衡城青澗慶厯元年夏寇渭州行崇天萬年厯詔天下立義倉二年暨契丹平三年夏元昊上書

請和

更名
襲霄

歐陽脩上朋黨論四年作太學元昊遣使上表

冊元昊爲夏國主八年貝州王則作亂文彥博討之伏誅

夏元昊死子諒祚嗣皇祐元年汰兵廣源儂智高作亂二

年詳定大樂五年狄青討智高破之於邕州至和二年改

封孔子後文宣公世愿爲衍聖公契丹主宗眞卒子洪基

嗣嘉祐二年詔諸州置廣惠倉置明經科四年封周後柴

詠爲崇義公放宮人徵處士邵雍不至七年立宗實爲皇

子

更名
曙

賜諸路錢糴常平倉八年仁宗崩皇子曙立帝有

疾詔請曹太后權總國事立高氏爲皇后治平元年太后

還政於帝二年帝詔議崇奉濮王典禮三年契丹復改號

遼帝有疾立子頊爲太子四年英宗崩子頊立立向氏爲
皇后青澗守將种諤襲虜夏嵬名山以歸逐城綏州夏人
誘殺知保安軍楊定夏主諒祚卒子秉常嗣熙寧元年封
太祖曾孫從式爲安定郡王二年王安石相始立制置三
司條例議行新法立免役法置賣鹽場罷通商法行均輸
法行青苗法增置宮觀官三年改諸路更戍法立保甲法
行募役法四年鬻廣惠倉田更定科舉法廢春秋儀禮詔給諸
州學田增置教官議取洮河湟置安撫司定太學生三舍
法五年行市易法立保馬法王韶擊吐蕃敗之遂城武勝
頒方田均稅法此法創未行六年王韶取河州知南康軍周敦

頤卒復比閭族黨法置和釋倉於兩浙初策武舉吐蕃木
征復入河州王韶伐取之岷宕洮疊皆降行折二錢收免
行錢七年木征降初權蜀茶立手實法八年行奉元厯割
地以畀遼罷手實法九年交趾陷邕州使郭達趙高帥師
討交趾詔占城眞臘合擊之郭達敗交趾於富良江李乾
德降以宦者李憲措置秦鳳熙河邊事十年立義倉河南
處士邵雍卒同知太常禮院張載卒元豐二年曹太后崩
三年詔劉几定雅樂四年夏人幽其主秉常使李憲帥師
討之五年徐禧帥師城永樂夏人寇永樂徐禧敗死六年
夏人寇蘭州王文郁敗之夏主秉常上表乞修貢八年神

宗崩太子煦立太皇太后

高氏

臨朝聽政召程顥爲宗正寺

丞未至卒司馬光入相罷諸新法之不可行者元祐元年

詔詳定役法詔舉經明行修之士命程顥等修定學制立

十科舉士法三年復置廣惠倉五年夏人來歸靈州之俘

詔以米脂四砮遷之六年帝詣國學釋奠建小學於京師

行觀天厯七年立孟氏爲皇后八年太皇太后高氏崩帝

始親政詔內侍劉瑗等入內給事紹聖元年復行安石新

法

以次舉行

追奪元祐宰執司馬光等贈諡貶呂大防等官四

年編管程頤於涪州元符元年得秦聖廢孟后二年子茂

生立劉氏爲后子茂卒三年哲宗崩弟端王佖立立皇后

王氏復哲宗廢后孟氏爲元祐皇后復元祐諸大臣官女
直起建中靖國元年向太后崩遼主洪基卒孫延禧嗣崇
寧元年使宦者童觀製御器於杭州復貶元祐黨人司馬
光等官立黨人碑復廢元祐皇后四年使朱勗領應奉局
及花石綱於蘇州五年毀元祐黨人碑大觀元年故直秘
閣程頤卒二年童貫復洮州皇后王氏崩政和元年使鄭
允中童貫如遼童貫以遼李良嗣來命爲秘書丞賜姓趙
三年賜方士王老志號洞微先生王仔昔號通妙先生求
道教仙經於天下四年遼伐女直敗還五年女直完顏阿
骨打稱金帝

更名

金陷遼黃龍府六年賜方士林靈素號

通真達靈先生會道士於上清宮七年道士冊帝爲教主
道君皇帝重和元年使馬政浮海使金約夾攻遼宣和二
年林靈素有罪斥趙良嗣如金清溪民方臘作亂三年淮
南盜宋江作亂知海州張叔夜擊降之四年金粘沒喝襲
遼遼主走夾山遼燕京留守李處溫立耶律淳於燕乞降
於金不許使童貫帥師伐遼敗績於白溝遼耶律淳死妻
蕭氏主國事趙良嗣如金遼將郭藥師以涿易二州降郭
藥師敗遼師於永清金主旻陷遼燕京遼蕭后出奔天德
其臣左企弓等降金五年金人來歸燕京及涿易六州之
地遼張穀以平州來歸禁元祐學術金主旻卒弟吳乞買

立更名金幹離不襲平州張穀奔燕山詔以穀歸於金七

年金婁室獲遼主於應州以歸封宦者童貫爲廣陽郡王
金將粘沒喝幹離不分道入寇童貫自太原逃歸郭藥師
及金人戰於白河敗績遂叛降金帝傳位於太子子桓卽
位尊帝爲教主道君太上皇帝立朱氏爲皇后李鄴如金
師靖康元年金入相州太上皇出奔亳州遂如鎮江金圍
京城李綱力戰禦之金使人議和除元祐黨籍學術之禁
以太原三鎮畀金金師退太上皇還京師立子諶爲太子
种師中姚古進兵太原師中及金人戰於殺熊嶺敗績死
之金人復入寇使康王構如金師幹離不圍京師詔康王

構爲河北元帥帥師入衛金陷汴京帝如金師帝還自金
師割兩河地以畀金二年帝復如金師副元帥宗澤敗金
人於衛州太上皇及后妃太子宗戚如金師金人皆留之
康王構帥師次濟州金人立張邦昌爲楚帝金幹離不粘
沒喝以二帝及后妃太子宗戚三千人北去元祐孟太后
手詔康王構嗣統康王構卽皇帝位於應天今歸德府建炎元
年遙上靖康帝尊號曰孝慈淵聖皇帝尊哲宗廢后孟氏爲元祐
太后遙尊母妃韋氏爲宣和皇后遙立夫人邢氏爲皇后
金人陷河中李綱上陳十事安置張邦昌於潭州皇子勇
生遣傅雱如金通問二帝宗澤請帝還京不報王彥兵渡

河大敗金人於新鄉保共城張邦昌伏誅帝如揚州以王
倫爲通問使二年金兀朮侵東京宗澤敗之宗澤卒三年
金陷天長帝奔鎮江遂如杭州張浚帥師次於平江苗傅
劉正彥作亂劫帝傳位太子張浚呂頤浩會師勤王帝復
位傳正彥南走帝至建康使洪皓如金金人拘之韓世忠
擒傅及正彥誅之皇子粦卒林勲上本政書言復井田之制帝如
臨安州卽杭州胡寅上七策詔杜充韓世忠等分屯江東以備
金張浚治兵興元徐州趙立敗金人於淮陰金兀朮入建
康帝奔明州岳飛敗金人於廣德金陷越州帝奔溫州四
年韓世忠大敗金人於江中金師還岳飛敗之於靜安金

立劉豫爲齊帝金人縱秦檜還紹興元年張俊岳飛討盜
李成敗之張榮敗金師於興化隆祐孟太后崩劉光世復
楚州金兀朮寇和尚原吳玠大敗之二年育太祖後子偁
之子伯宗於宮中賜名瑗四年吳玠吳玠敗金人於仙人關
岳飛破李成韓世忠敗金人於大儀帝自將禦金次於平
江張俊北征金師退五年金主晟卒兄之孫亶立上皇卒
於金行統元厯岳飛破楊么湖湘平六年劉豫遣子入寇
楊沂中敗之韓世忠敗金人於淮陽七年王倫如金金人
廢劉豫八年金使來言歸河南陝西之地十年金兀朮撒
離喝復入寇陷河南陝西州郡吳玠敗金人於扶風劉錡

大敗金人於順昌岳飛收復河南州郡韓世忠復楚州王
德復宿州岳飛大敗金師於郾城詔岳飛還金復陷河南
州郡十一年金入廬州楊沂中劉錡敗之於柘臯遂復廬
州金主親祀孔子秦檜矯詔殺岳飛遂及金和十二年金
人歸徽宗皇帝及鄭后邢后之喪皇太后韋氏至自金十
三年立吳氏爲后十九年金亮弑其主亶自立二十年金
主亮大殺其宗室二十三年金遷於燕二十六年靖康帝
卒於金二十九年召監南岳廟朱熹不至皇太后韋氏崩
三十年立瑗爲太子更名瑋三十一年金遷於汴金主使
人來求漢淮之地金主亮弑其太后徒單氏大舉入寇吳

璘大破金師於黃牛堡復秦隴洮王友直復大名李寶魏

勝敗金舟師於膠西金人立曹公烏祿爲帝於遼陽

更名雍

下詔暴亮罪惡帝自將親征金人陷揚州劉錡敗之於阜

角林虞允文大敗金師於采石金人弑其主亮於瓜州金

師北還帝如建康金主雍入燕三十二年山東耿京復東

平使其將辛棄疾來朝金主雍遣使來聘吳璘復大散關

金人攻海州張子蓋魏勝敗之帝遜位於太子自稱太上

皇太子脊

卽

璋卽位棄秦鳳等十三州隆興元年張浚使李

顯忠邵宏淵分道伐金復靈壁及虹敗金師於宿州獲蕭

琦王師潰於符離二年詔張浚視師金師退魏杞如金金

師渡淮魏勝戰於淮陽敗績死之乾道元年魏杞至白金
立子惲爲太子三年夏皇后崩太子惲卒四年行乾道歷
帝大閱五年措置兩淮屯田六年使人如金請山陵不許
七年立子惇爲太子金葬欽宗於鞏洛之原八年朱熹綱
目成淳熙三年立謝氏爲后十年陳賈請禁僞學十四年
太上皇高宗崩帝致喪三年詔皇太子參決庶務十六年
金主雍卒孫璟嗣帝傳位於太子子惇立尊帝爲壽聖皇
帝立李氏爲后紹熙元年劉熙祖乞禁譏道學者朱熹請
行經界法二年行會元歷五年壽皇有疾帝不往朝壽皇
孝宗崩帝有疾壽聖太皇太后詔嘉王擴成服卽位尊帝

爲太上皇立皇后韓氏召朱熹入經筵未幾內批罷之詔
行孝宗三年喪慶元元年真德秀乞考核邪正真僞二年

胡紘乞禁僞學之黨從之削朱熹官竄處士蔡元定於道

州

沈繼祖疏也

三年籍僞學四年禁僞學有太祖十世孫興愿

於宮中

更名

五年行統天曆帝始朝於太上皇六年子坦

生故秘閣脩撰朱熹卒太后李氏崩太上皇崩皇后韓氏

崩嘉泰元年遼亡二年禁私史立楊氏爲后六年吳曦以

階成和鳳叛降金帝下詔伐金以曦爲皇子開禧元年伐

金不克金僕散揆入寇邱密遣使如金師金師還蒙古鐵

木眞稱帝於幹難河吳曦自稱蜀王轉運使安丙誅曦遂

復西和等州及大散關太皇太后謝氏崩史彌遠殺韓侂

冑以謝金立子曦爲太子

更名詢

金人來歸大散關及濠州

金主璟卒衛王永濟嗣二年蒙古入靈州夏主安安全降四

年蒙古侵金金乞和不許五年故遼耶律留哥取金遼東

自稱遼王六年金胡沙虎弑其主永濟而立昇王珣蒙古

徇金河北七年金乞和於蒙古金主珣徙都汴蒙古圍燕

夏人來請會師伐金不報八年蒙古入燕十年金人南侵

王辛帥師敗之詔伐金定遠民季先以李全來歸全襲金

莒州取之金主珣遣使來求和不許金守緒入寇十二年

金圍棗陽趙方使扈再興攻金唐鄧大敗之孟宗政大敗

金人於棗陽趙方分道伐金不克孟宗政敗金人於湖陽
安丙遣兵會夏人伐金蒙古行庚午元歷十四年金人入
寇陷黃蘄扈再興追擊大敗之以沂王嗣子貴和爲皇子
更名以太祖十世孫與莒爲秉義郎後易名貴誠十六年金主
珣殂子守緒嗣十七年帝有疾史彌遠矯詔立貴誠爲太
子寧宗崩昀卽位卽貴誠以竑爲濟陽王寶慶元年湖州人
潘壬起兵謀立濟王竑竑討平之史彌遠殺濟王於湖州
李全作亂襲息州彭義斌敗之義斌徇真定嚴實以蒙古
師至義斌死之二年蒙古圍李全於青州盱眙人夏全作
亂降金三年李全以青州降蒙古蒙古滅夏蒙古主昀於

六盤山少子拖雷監國紹定元年金完顏陳和尚大敗蒙古師於大昌二年蒙古主窩闊台嗣李全寇揚州趙范趙葵擊敗之立皇后謝氏四年趙范趙葵敗李全於揚州全走死逃平淮安蒙古圍金汴京金遣曹王訛可爲質於蒙古以和楊太后崩蒙古使人來議會伐金許之六年金主奔蔡金崔立以汴京降蒙古蒙古速不臺執金宗王及太后后妃以歸孟珙大敗金武仙於馬鎧山降其眾而還金人來乞糧不許蒙古那顏倂蓋圍金蔡州史嵩之使孟珙帥師會之端平元年金主守緒傳位於承麟孟珙入蔡州金主守緒自殺承麟死於兵獲金相張天綱以歸金亡趙范趙

葵請復三京全子才會師趨汴金故將李伯淵誅崔立以
降趙葵帥師入洛陽蒙古來攻師還蒙古入寇三年襄陽
將王旻作亂以城降於蒙古蒙古兵入蜀立陳日照爲安
南王孟珙敗蒙古兵於江陵邱嶽敗蒙古兵於眞州復成
都嘉熙元年孟珙敗蒙古兵於黃州杜杲敗蒙古兵於壽
春又敗之於廬州蒙古兵引還三年孟珙復襄陽蒙古兵
入成都孟珙復夔州淳祐元年以周程張朱五子從祀孔
廟黜王安石帝謁孔子遂視學書朱熹白鹿洞規以賜諸
生求遺書蒙古主窩闊台殂第六后乃馬眞氏稱制成都將
田世顯叛以城降於蒙古蒙古使月理麻思等來至淮上

守將執之蒙古侵蜀孟珙遣師禦之三年以余玠制置四川玠城釣魚山六年蒙古主貴由立七年呂文德敗蒙古兵於泗州八年蒙古主貴由卒后幹兀立海迷失稱制十一年蒙古主蒙哥立寶祐二年賈似道敗蒙古李壇於海城五年蒙古主自將侵蜀六年馬光祖敗蒙古兵於房州開慶元年蒙古太弟忽必烈入臨江蒙古主蒙哥卒於合州師還蒙古忽必烈入圍鄂州賈似道使人於蒙古請稱臣納幣蒙古兵乃還景定元年蒙古主忽必烈立蒙古初定官制立子禩爲太子賈似道幽蒙古使臣郝經於眞州三年蒙古初作太廟於燕五年詔郡邑行鄉飲酒禮理宗

崩太子禮立詔行三年喪咸淳三年立全氏爲后五年蒙古史天澤圍襄陽六年蒙古立國學七年蒙古改國號曰元九年元取樊城呂文煥以襄陽叛降元十年度宗崩子焯嗣元侵鄂州程鵬飛以城降元伯顏帥師東下德祐元年安慶范文虎叛降元鄂州都統張世傑帥師入衛江西提刑文天祥起兵入衛遣元行人郝經還賈似道免元伯顏入建康似道流循州伏誅元破獨松關二年使文天祥如元師求和元伯顏執天祥駙馬楊鎮奉益王昀廣王昺走婺州元伯顏入臨安以帝及皇太后等北去文天祥自鎮江亡入海遂如溫州陳宜中張世傑奉益王立於福州

遷上恭帝尊號尊母楊氏爲太后改元景炎文天祥復邵
武帝居泉州蒲壽庚作亂帝走潮州景炎二年帝在惠州
甲子門遷於淺灣元人襲文天祥於興國天祥兵潰走循
州帝舟次井澳三年端宗崩於碭州弟昺立改元祥興楊
太后同聽政帝舟遷厓山元張宏範襲執文天祥於五陂
嶺祥興二年帝在崖州元張宏範襲厓山張世傑力戰禦
之師潰帝赴海崩陸秀夫死之宋亡

或言太祖受命盡除五代弊法用能易亂爲治朱子曰不
然只是去其甚者○太宗眞宗之朝可以有爲而不爲太
宗每日看太平廣記數卷若能推此心去講學那裏得來

不過寫字做詩君臣之間以此度日而已眞宗東封西覲
糜費巨萬計不曾做得一事仁宗有意於爲治不安小成
只是資質慈仁卻不甚通曉用人驟進驟退終不曾做得
一事然百姓戴之如父母契丹初陵中國後來卻服仁宗
之德也是慈仁之效緣他至誠惻怛故能動人如此○神
宗銳意爲治用人便一向傾信然意向用兵後來傾信介
甫終是坐此病好用兵又用得不當壞事皆從此起神宗
極聰明眞不世出之主只是頭頭做得不中節拍如介甫
爲相亦是不世出之資只緣學術不正當遂誤天下使神
宗得一眞儒而用之那裏得來○欽宗勤儉慈仁但於臣

下賢否耶正辨不分明又無剛健勇決之操○孝宗是甚
次第英武○孝宗小年極鈍後來卻恁地聰明

程子曰本朝有超越古今者五事如百年無內亂四聖百
年受命之日市不易肆百年未嘗誅殺大臣至誠以待夷

狄此皆大抵以忠厚廉恥爲之綱紀故能如此

呂大防嘗告哲宗云

本朝家法最善如自祖宗以來事母后皆朝夕見見長公
主以姪事姑宮禁嚴肅外戚不預政宮殿只用赤白天子
步自內庭出御後殿燕居必以禮臣下有非止
於罷黜此皆祖宗家法之善所以致太平者

宋有天下五代等耳而享國三百年自太祖至於徽宗

內亂不作四海寧謐遠過漢唐真儒竊興希踪三代節

至南遷以後君臣不振亦已甚矣然而上下和穆比之

漢唐之衰寄身強藩宦豎者猶爲彼善於此宋何備爾
若是乎考之宋祖自身爲將帥之日固已崇事詩書及
夫有天下之時猶夜於寢殿讀史是以興一代之文治
而規模宏遠一洗五朝之陋盛德忠厚足詒慶於子孫
臣民也惜乎輔之者無名世之臣而治道終不古若太
宗繼世守成已不勝其私意真宗色厲內荏假借虛張
太祖之澤亦已衰矣仁宗無愧於仁矣乎然好有作爲
而持心難久故用人輕於進退反不若漢文之安靖心
雖惻怛要未足以言去私也神宗偏聽不明首貽宋室
之害雖其心本以圖治而理之不明小人乘之以敗國

是以宣仁女主勉強維持在宣仁誠賢而豈國家之幸哉繼此而羣小盈廷正人斥逐雕楹元氣廢削生民外召寇戎以致靖康之禍人謂北宋之亡金亡之也孰知宋之亡蔡童之羣小亡之也非蔡童亡之介甫亡之哲宗亡之神宗亡之也夫介甫君臣本以圖治非小人比也而亡國之禍如此儒術其迂疏乎介甫非儒術也大

道之不明而心有所偏夫乃致此此爲君爲相者所以必格物致知誠意正心之爲要也宋之南也大勢猶有可爲人材猶有可用本實未撥而乃坐失事機乃高宗可爲而不爲孝宗難爲而欲爲之至宣宗已不可爲矣

而強爲之江湖海嶽豈眞天之厭宋哉宋實違天以及此也夫眞儒代興未有如宋之盛者乃理學之臣亦終無補於宋之孱弱也是則何如曰司馬相而遼鸞不生韓范用而夏人膽破此未粹於儒也而效已彰彰矣使更拔周程張朱而相之三代之隆不指日哉顧且今日貶黨人明日錮黨人今日禁僞學明日籍僞學幸宋祖之家法未亡羣賢不至如漢末受禍之酷此黨人之幸乎亦宋室之幸也而安能以補於斯世哉曰宋室黨人之論始興於仁宗之朝繼分爲蜀洛之黨則君子不亦有過以來讒小之口與曰伊川何黨而其徒黨之以衡

道也當日以放浪佻巧而惡人之收斂謹嚴者獨何心乎此朱子所以深絕蘇氏而謂其心術不正者豈過毀哉而世俗徒以其縱橫之文欲諱其邪僻之實夫安可掩也曰然則以宋儒之黨而處於漢末諸儒其不免乎曰使程朱生於漢末程朱必有以處此漢儒烏可同年語也知進退存亡而不失其正聖人之謂也且觀夫程子之語其徒曰尊所聞行所知不必及吾門也朱子筮卦得遯而自號遯翁則其不肯撓世網以貞苦節蓋可知矣雖然君子非必免禍之謂也以義爲命命自我立進而存也得也命之正也退而亡也喪也亦命之正也

豈可以禍福論聖人哉

元之至元十六年始滅宋制州縣社稷通禮遣宦者咬住
設醮於信州龍虎山及建康三茅山十八年皇后宏吉刺
氏崩喪師於日本詔毀道書十九年益都千戶王著殺阿
合馬於闕下以宋衍聖公孔洙爲國子祭酒提舉浙東學
校殺故宋丞相少保信國公文天祥始海運二十一年故
宋皇太后謝氏殂二十二年詔發宋會稽諸陵罷榷酤太
子眞金卒二十三年設按察司二十四年設江南各路儒
學提舉司二十六年故宋江西招諭使知信州謝枋得至
燕死之二十八年頒行至元新格三十一年世祖崩孫鐵

木耳立元貞二年授信州道士張與才爲真人大德元年
太后幸五臺山置各路推官二年遣使問民疾苦四年太
后崩定律令六年立孔子廟於燕京八年詔天下恤民隱
省刑罰十年立國子學十一年成宗崩懷宣王海山立順宗
之以弟愛育黎拔力八達爲太子至大元年以宦者李邦
宣爲大司徒左丞相以西僧教瓦班爲翰林學士承旨二
年立常平倉三年宣王闊闊出謀反流之高麗四年武宗
崩弟愛育黎拔力八達立使宦者李邦宣釋奠於孔子增
國子生皇慶元年勅左右勿僥倖乞加官二年建崇文閣
以宋儒周敦頤程顥程頤張載邵雍司馬光朱熹張拭呂

祖謙及許衡從祀孔子廟庭詔行科舉延祐元年詔訪求

遺逸七年仁宗崩于碩德八剌立至治三年勅寫金字經

帝還自上都御史鐵失等殺丞相拜住遂弒英宗於行幄

迎晉王也孫鐵木兒立之

顯宗之子裕宗之孫

鐵失等伏誅使人至

曲阜祀孔子泰定四年皇子允丹藏卜受佛戒於智泉寺

致和元年帝受無量壽佛戒於帝師泰定帝殂於上都倒

剌沙立皇子阿速吉八於上都燕帖木兒立懷王圖帖睦

爾於燕改元天歷懷王攝位使月魯帖木兒圍上都弒其

君阿速吉八而使人迎周王和世琜於漠北

二王皆武宗子二年

周王和世琜稱帝於和寧之北以弟圖帖睦爾爲太子太

子北迎帝明宗暴崩於旺忽察都圖帖睦爾襲位於上都

以西僧輦眞吃刺思爲帝師至順三年文宗崩兄子懿璘

質班立

明宗次子

逾月宣宗崩妥懽帖木兒立

明宗長子

至元元年

唐其勢及其弟塔剌海謀不軌伏誅伯顏執皇后伯牙吾

氏幽於別宮弑之於開平詔罷科舉六年撤文宗廟主徙

太皇太后於東安州放太子燕帖古思於高麗殺之復行

科舉至正七年沿江盜起八年台州方谷珍作亂命朵兒

只班討之十一年潁州劉福通作亂陷潁州蕭縣李二老

彭趙君用作亂陷徐州徐壽輝作亂陷黃州號天完稱帝

十二年徐壽輝陷漢陽諸郡及江州定遠郭子興兵起破

濠州徐壽輝使其將項普陷杭州丞相脫脫出師討賊復
徐州而還十三年張士誠據高郵自稱誠王十五年劉福
通迎韓林兒都亳州立爲宋帝改元龍鳳哈麻矯詔殺脫脫於
淮安明太祖起兵於和州取太平十六年倪文俊迎天完
主都於漢陽張士誠據平江明太祖取集慶路卽南京十七
年張士誠降於元天完將陳友諒襲殺倪文俊明玉珍據
蜀十八年陳友諒破安慶宋將毛貴破濟南劉福通取汴
梁迎韓林兒入都之宋將關先生陷元上都明太祖取婺
州十九年方谷珍以溫台慶元附明太祖元察罕帖木兒
克汴梁劉福通奉其主林兒走安豐明太祖取衢州二十

年陳友諒弑其主徐壽輝自稱漢帝

弘治元大義

明太祖取信州

陽翟王阿魯輝帖木兒舉兵犯燕京帝使禿堅帖木兒將

兵擊之不克二十一年明太祖伐漢克江州漢主友諒走

武昌二十二年蜀明王珍自稱隴蜀王二十三年蜀明王

珍稱夏帝

改元天統

明太祖及漢主友諒戰於鄱陽湖友諒敗

死其子理立奔還武昌張士誠自稱吳王元字羅帖木兒

攻冀寧至石嶺關擒帖木兒大破走之二十四年明太

祖建國號曰吳自將伐漢漢主陳理降元字羅帖木兒兵

犯燕京二十五年元太子發兵討字羅帖木兒字羅帖木

兒幽二皇后奇氏調兵拒戰大敗字羅帖木兒伏誅吳立

理學逢源

卷之十一

外篇道統類

六

敬業堂

國學二十六年夏主明玉珍卒子昇嗣吳求遺書元以方
谷珍爲江浙行省丞相以陳友定爲福建行省平章事吳
始立宗廟社稷宋主韓林兒卒於吳二十七年吳定文武
科取士之法吳師取平江執張士誠以歸遂北伐吳定律
令行戊申歷方谷珍降於吳戊申吳王卽皇帝位國號大
明改元洪武追尊四代祖考高祖曰德祖曾祖曰懿祖立
祖曰熙祖考曰仁祖皇帝馬氏爲皇后子標爲太子明師克建
寧延平執陳友定明
祀孔子於國學遣使祭之於曲阜定賦役法廣州何真降
明禁宦官不得典兵預政明太祖如汴梁明將徐達等克
通州元帝奔上都明師入燕京

元祖興於朔漠兼并諸部滅夏陵金

元始祖母陰燕居漠北一孔三子季

日李端父兒至九世孫也速該生鐵木真是爲元太祖

已有包并天下之概太宗

因成業

名窩闊台

約宋滅金功成志驕溺於酒色而馬真晨

鳴定宗不君

名貴由

元室亦中衰矣憲宗卽位一矯前失

委任太弟

卽世祖忽必烈

國勢復張然而恩薄於骨肉志弱於

巫覡身方死而國已亂天方北授世祖繼興克定內亂

立廟燕京風雲股肱竟代宋室統一四海區宇之大互

古不及焉謂非一代之雄哉顧善政雖多可紀而汚俗

終不自悛列儒於娼丐之間崇佛於孔子之上侈遠方

之雄略毒中土之蒼黎是以草竊蠶興已先兆方劉張

陳之概矣成宗_世乃尊孔子而汰僧尼卹民生而清吏治庶幾可稱賢主武以恭儉而不無酒色之荒仁以仁慈而未免桑門之惑此固元室最盛之時也而稅稗終非盡絕英能不改父政孝自性成而果於刑戮卒以自禍泰定不以立己爲德所稱知義者矣然溺志佛法終之身死子弑明文巧於篡奪雖禮樂文明之治若方日新而干戈草竊之興已不可禁況乃權姦濁亂兵氣通在朝廷哉順帝非有大惡而奸臣弄柄於外西僧穢亂於內尙惟是奇技淫巧之娛以至於國無政刑羣雄並起土宇瓜分大物已歸朱氏矣要之佛氏者絕倫之

教也酒色者亡身之道也元乃世世溺於沙門而淫於
酒色欲君之永年而國之永命胡可得哉君君臣臣公
父子子兄兄弟弟國之本也而元之於國本爲何如哉
可悲也夫

明洪武元年

即戊申年

設六部官改燕京爲北平府詔衣冠悉

復唐制徐達敗擴廓帖木兒於太原安南入貢二年高麗

入貢師克臨洮元將李思齊降克慶陽斬張良臣下平涼

王保保北遁

即擴廓帖木兒

占城來貢三年使徐達西征王保保

李文忠攻元上都詔開科取士詔行大射禮元順帝殂子

愛猷識里達臘嗣又忠克應昌以元太孫買里的八刺

及后妃諸王歸元北遁詔脩大明集禮籍天下戶口西蕃諸部降四年命湯和等伐夏遣使祭歷代帝王陵寢元遼陽行省平章劉益以遼東降師克重慶夏主明昇降燕享九奏樂成南海諸國皆入貢六年汰天下僧尼七年命有司脩關里孔子廟帝幸中都鳳陽李文忠北伐遣元皇孫買里的八剌北還八年陝州人獻天書斬之九年免河南諸省本年租稅十年定天地合祀禮皇嫡孫允炆生十一年元主愛猷識理達臘殂子脫古思帖木兒嗣帝遣使弔祭十三年丞相胡惟庸謀逆誅之并治其黨流致仕學士宋濂於茂州道卒廢丞相燕王棣帝第四子之國以葛誠爲

燕長史雷震謹身歿及奉天毀置諫院十四年命徐達等
北伐日本入貢命傅有德等帥師征雲南沐英敗元達思
麻師於曲靖元梁王把匝刺瓦爾密走滇海死雲南平十
五年皇后馬氏崩選高僧分侍諸王遣僧道衍如燕引見
經明行修之士徵耆儒鮑恂等令儒學歲貢生員十七年
以孔子後裔訥五十七代孫襲衍聖公頒行科舉成式以孔希
文爲曲阜世職知縣十九年頒大誥於天下二十一年平
緬甸二十二年置采顏三衛元也先速迭兒弒其主脫古
思帖木兒立坤帖木兒順帝殂是爲惠宗子愛猷識里達臘立十一年殂是爲昭宗子脫古
思帖木兒立九年至是被弒坤帖木兒後二十三年命晉
遂不振諸部分散和小王子卽元裔也

王燕王分道北伐。勅臣十九族詔求仙人張三丰二十五年皇太子標卒二十六年殺涼國公藍王弼其黨二十九年皇曾孫文燿生三十一年太祖崩皇太孫允攸卽位遺詔止諸王會葬周王橐爲庶人建文元年燕王棣入朝登陞不拜尊父懿文太子妣常氏爲帝后立馬氏爲皇后更定官制燕王棣還國廢岷王梗爲庶人逮燕官校于諒周鐸殺之燕棣舉兵反布政使謝貴指揮使張昺死之命長興侯耿炳文帥師討燕不克復命李景隆帥師討之宣王權入於燕師以叛二年詔均江浙田賦李景隆討燕燕棣拒戰於白溝河景隆師敗績詔都督盛庸代景隆布

政使鐵鉉及盛庸復德州燕師寇汝上遂至東昌歷城侯
盛庸及平安大敗之平安攻北平不克四年命徐輝祖援
山東平安敗燕師於徐州召徐輝祖還何福平安及燕師
戰於靈壁敗績平安被擒燕師至儀真遂渡江李景隆叛
開金川門以迎燕師燕棣遂入京師帝不知所終

此卷敘歷朝事係先生未定之藁其間歲月不無遺謬
即去取或不無可商處茲將歲月畧為補正至於權衡
去取輔成先生未竟之功更願俟之當世博雅君子

邑後學

董廣庭續承
汪立中品端
余最贊賢
余龍光燦重校

邑後學俞 鏗峻西同校開梓